



老子羽異

□ 13
1927
2



卷一

五

羽

口七13
1927
2 止

門前
1927
22

卷之四

北海
林俊王元

Faint bleed-through text from the reverse side of the page, including characters like '人' and '國'.

交作謂術

而 係

老子翼卷之四



治人事天莫若嗇夫惟嗇是謂早服早服謂之重積

德重積德則無不克無不克則莫知其極莫知其極

可以有國有國之母可以長久是謂深根固柢長生

久視之道作服一作復柢

韓非解衆人之用神也躁躁則多費少費之謂嗇嗇之

爲術也生於道理夫能嗇也是從於道而服於理者也衆人離於患陷於禍猶未知退嗇不服從道理聖

北海焦

竝弱族輯

秣陵王元真孟起校



人雖未見患禍之形，虛無服從於道理，以稱蚤服。故曰：夫唯嗇，是謂蚤服。知治人者，其思慮靜，知事天者，其孔竅虛，思慮靜，故德不去，孔竅虛，則和氣日入，夫能冷，故德不去，新和氣日，至者蚤服者也。故曰：蚤服是謂重。

積德

蘇註

凡物方則割，廉則剝，直則肆，光則耀。唯聖人方而能嗇，夫嗇者有而不用者也。世患無以服人，苟識有而能嗇，雖未嘗與物較，而物知其非不能也，則其服之早矣。物既已服，鮮藏其用，至于殒身而終不試，則德重積矣。德積既厚，雖天下之剛強無不能克，則物莫測其量矣。如此而後，可以有國。彼世之小人，有尺寸之柄，而輕用之，一試不服，天下測知其深淺，而爭犯之，雖欲保其國家，不可得也。吾是以知嗇之可以有國，可以有國，則有國之母也。孟子曰：存其心，養其性，所以事天也。以嗇治人，則可以有國，者是也。以嗇事天，則深根固蒂者是也。古之聖人，保其性命之常，

不以外耗內，則根深而不可拔，蒂固而不可脫。雖以長生久視，可也。蓋治人事天，雖有內外之異，而莫若嗇則一也。

呂註

治人而不以人之所以為人者，治之則人不可得而治矣。事天而不以天之所以為天者，事之則天不可得而事矣。精神四通並流，而無所不極化育，萬物其名為同，帝則人之所以為人，而天之所以為天者，也。純素之道，唯神是守，守而勿失，與神為一，則人其有不可得而治天，其有不可得而事者乎？故曰：治人事天，莫如嗇也。夫唯嗇，其精神而不用，則早復者也。苟為不嗇而費之，至于神散精勞，雖欲反其精神，亦無由入矣。其於復也不亦晚乎？故曰：夫唯嗇，是謂早復。人之生也，固足于德，夫誠能嗇而早復之，則德日益以充，故曰：早復謂之重積德。重積德則德之至者，也。至德者，火不能熱，水不能溺，寒暑不能害，而禽獸不能滅，則安往而不克哉？故曰：重積德則無不克。夫有所不克，則其道有時而極也。無所不克，則

夏後氏以之國畜
其之本也

孰知其極哉故曰無不克則莫知其極夫有土者有大物也有大物者不可以物物而不物故能物物莫知其極則不物而能物物者也雖有土而無其累矣故曰莫知其極可以有國既得其母以知其子既知其子復守其母效身不殆故曰有國之母可以長久然則嗇之為道是謂深根固蒂長生久視之道也精神者生之根嗇而藏之則根深而生長矣長生者視之鬱衛而保之則蒂固而視久矣

息齋註

外以治人內以事天皆莫若嗇嗇者無所不起之謂嗇故能昂服內服其心外服其形寂然不動則德有所積積于不積則無不勝無不勝則無不治雖有國猶可也人知其可以有國而不知其可以有國者由其有本也本積既厚則其塵垢糠粃猶將陶鑄堯舜況其下者哉此所謂深根固蒂治人事天之道

治大國若烹小鮮以道蒞天下其鬼不神非其鬼不

神其神不傷人非其神不傷人聖人亦不傷之夫兩

不相傷故德交歸焉蒞力至反聖人亦不傷之一作傷人以下德交歸焉觀之作之

為是之指
神而言也

韓非解

工人數變業則失其功作者數搖徙則亡其功矣萬人之作曰半日十日則亡五萬人之功矣然則數變業者其人彌衆其虧彌大矣凡法令更則利害易利害易則民務變務變之謂變業故以理觀之則事大衆而數搖之則少成功蔽大器而數徙之則多敗傷烹小鮮而數撓之則賊其澤治大國而數變法則民苦之是以有道之君貴靜不重變法故曰治大國者若烹小鮮人處疾則貴醫有禍則畏鬼聖人在上則民少欲民少欲則血氣洽而舉動理舉動理則少禍害夫內無痠疽瘰癧痔之害而外無刑罰法誅之禍者其輕恬鬼也甚故曰以道蒞天下其鬼不神治

卷之四

二

△不神 崇

敢

崇 魂

世之民不與鬼神相害也故曰非其鬼不傷人也其
神不傷人也鬼崇也疾人之謂鬼傷人遂除之之
謂人傷鬼也民犯法令之謂民傷上上刑戮民之謂
上傷民民不犯法則上亦不行刑上不行刑之謂上
不傷人故曰聖人亦不傷民上不與民相害而人不
與鬼相傷故曰兩不相傷民不犯法則上內不用刑
罰而外不事利其產業上內不用刑罰而外不事利
其產業則民蕃息民蕃息而畜積盛民蕃息而畜積
盛之謂有德凡所謂崇者意鬼去精神亂精神亂則
無德鬼不崇人則意鬼不去意鬼不去則精神不亂
精神不亂之謂有德上盛畜積而鬼不亂其精神則
德盡在于民矣故曰兩不相傷則德交歸焉言其德
上下交盛而
俱歸于民也

蘇註

烹小鮮者不可燒治太國者不可煩煩則人勞
燒則魚爛聖人無為使人各安其自外無所
煩內無所畏則物莫能侵雖鬼無所用其神矣非其
鬼之不神亦有神而不傷人耳非神之不傷人聖人

未嘗傷人故其鬼無能為耳人鬼所以
不相傷者由上有聖人也故德交歸之

呂註

以煩而烹小鮮者尤當全之而不割者也治太
國者亦若是而已烹而割之則傷矣以道蒞天下者
謂之太制亦不割以傷之而已及其至也則其鬼不
神足以不傷之所致也何以言之鬼之為道非不神
也厥與人雜擾而見其神則不能不傷人而所以不
神者以聖人為能以道蒞天下使人不淫其性不遷
其德無大喜大怒以于陰陽之利所謂處混茫之中
與一世而得澹漠焉者也則是聖人亦不傷人也唯
聖人為能不傷人故陰陽和靜鬼神不擾萬物不傷
羣生不夭則其神不傷人也神不傷人則無以見其
靈響而神焉由此觀之其鬼不神非其鬼不神也由
其神不傷人故不神也非其神不傷人由聖人亦不
傷人故其神不傷人也使聖人之于人不能全其僕
而傷之而人因其性至於四時不至寒暑之和不成
人之所以傷神者為多則神其能不傷人乎夫唯神

安

不傷人則神歸德于人神不傷人而人亦歸德于神矣故曰夫兩不相傷故德交歸焉
息齋註 治國者聖人之餘事不啻如烹小鮮雖怪奇鬼而有神凡怪奇譎怪皆化而為道道豈有傷人者乎本欲吾不傷人故其幽至于鬼神皆不能以神傷物大而政治幽而鬼神兩不傷故人鬼之心交歸焉非至德其能如是乎

程俱論 聖人不傷民固也而能使鬼神亦不傷人何在魚也亦何生死之辨乎方其在人猶魚之在水水之民其生也泊焉所以善其生也其死也寂然所以善其死也寂然而已鬼安得而神乎生也如彼死也如此尚安得有靈響崇厲之為哉

宏甫註 烹小鮮者攪之則爛故聖人以無為治天下也雖神而自不能為人之傷也何也以聖人未嘗傷人也夫聖人不傷人神亦不能為人之傷是兩不相

通考作序之

傷也但，不傷則德歸焉豈別有德以不傷之哉失德即傷之矣

大國者下流天下之交天下之牝牝常以靜勝壯以靜為下故大國以下小國則取小國小國而下大國則取大國故或下以取或下而取大國不過欲兼畜人小國不過欲入事人夫兩者各得其所欲故大者宜為下

蘇註 天下之歸大國猶衆水之趨下流也衆動之赴靜猶衆高之赴下也大國能下則小國附之小國能下則大國納之太國下以取人小國下而取于人

呂註 知以道治其國固不傷其人矣而不知所以交天下者則已雖不傷人而有傷其人者矣大國

者下流天下之交天下之交北也常以靜勝也壯以靜
為下是乃所以交天下而保其人之道也蓋天下之
交北而北常以靜勝也而所以勝者由以靜為下故
也本國誠能居下流以致天下之交則北以靜為下
而勝也之道也故大國以下小國則取小國則所謂
或下以取之也下以取之者言大之于小宜若可以
無下而下之者以取之故也小國以下大國則取大
國則所謂或下而取之者也下而取之者言小之于
大不得不下而取之故也蓋大國不過欲兼畜人而
小國不過欲入事人今大者下小者復下大兩者各
得其所欲則其有不取之者乎取之者言得其心而
不失之謂也然則大者小者莫不為宜下而獨曰大
者宜為下何也小而不能下大非徒不能取大國而
亦災禍及之矣則不嫌于不宜故曰大者宜為下而
已

息齋註

國大而能降以求物則物必交歸之北以靜
而下物故北常勝也壯以大國而下小國則必

得小國以取小國而下大國則必得大國故大國或下
小國以取小國或下大國而取者各獲其心之謂也
故大國不過欲畜小國小國不過欲事大國夫如是
而後兩者各得其所孟子曰以小事大者畏天者也
以大事小樂天者也樂天者保天下
畏天者保其國故大國尤宜為下

吳註

交會也大國者諸小國之交會如水之下流為
動以求北動求者招損靜俟者受益故曰以靜勝也
動求者居上靜俟者居下故曰以靜為下或曰北字
其一疑衍本國不恃其尊謙降以下小國則能致小
國之樂附小國其處于卑俯伏以下大國則能得大
國之見容下以取謂大國能下以取小國之附下而
取謂小國能下而取大國之容也大國下小國者欲
兼畜小國而已小國下大國者欲入事大國而已兩
者皆能下則大小各得其所欲然恃者素在人下不
患乎不能下大者非在人下或恐其不能下故曰大
者宜為下章首下流之喻以喻大國非在人下而能

者下流天下之交天下之交北也常以靜勝也壯以靜
為下是乃所以交天下而保其人之道也蓋天下之
交北而北常以靜勝也而所以勝者由以靜為下故
也本國誠能居下流以致天下之交則北以靜為下
而勝也之道也故大國以下小國則取小國則所謂
或下以取之也下以取之者言大之于小宜若可以
無下而下之者以取之故也小國以下大國則取大
國則所謂或下而取之者也下而取之者言小之于
大不得不下而取之故也蓋大國不過欲兼畜人而
小國不過欲入事人今大者下小者復下大兩者各
得其所欲則其有不取之者乎取之者言得其心而
不失之謂也然則大者小者莫不為宜下而獨曰大
者宜為下何也小而不能下大非徒不能取大國而
亦災禍及之矣則不嫌于不宜故曰大者宜為下而
已

下者牝牡之喻以喻小國素在人下而能下者

林希逸註

木國不過欲兼畜乎人小國不過欲入事乎人二者皆非自下不可惟能自下則兩者皆得其欲然則知道之大者常以謙下為宜矣此句乃一章之結語其意但謂強者須能弱者須能無始為知道一書之意往往如此解者多以其說喻處作真實說以故失之獨黃茂材云此一節全是借物明道此言最當但

不能推之于他章耳
道者萬物之與善人之寶不善人之所保美言可以市尊行可以加人人之不善何棄之有故立天子置三公雖有拱璧以先駟馬不如坐進此道古之所以貴此道者何不自求以得有罪以免耶故為天下貴

行去聲先

悉薦反

蘇註

凡物之見于外者皆其門堂也道之在物譬如其與物皆有之而人莫之見耳夫唯賢者得而有之故曰善人之寶愚者雖不能有然而非道則不能安也故曰不善人之所保蓋道不遠人而人則遠之今誠有人美言之則可以為市于世尊行之則可以加于人矣朝為不義而夕聞木道矣盡而性復雖欲指其不善不可得也而又安可棄之哉立天子置三公將以道教人耳雖有拱璧之貴駟馬之良而進之不如進此道之多也道本在我人患不求求則得之矣道無功罪人患不知知則凡罪不能汙也
呂註 萬物負陰而抱陽冲氣以為和則未有一物而不足于道者也室之有與深邃燕間而尊者之所處也萬物莫不有深邃燕間尊者之所處也故曰道者萬物之與唯其如此故善人之寶而不善人之所保也何則善人知其善之所自出則得之而有無窮不費之富非其寶耶不善人知其不善至于

此而女同則雖有萬惡渌然而釋矣非其所保耶夫
 言之美者可以市行之尊者可以加人則人無善不
 善固知美所美而尊所尊也有道者之于人猶天地
 也天無不覆地無不載非特美言尊行之比也則人
 之不善何棄之有故立天子置三公雖有拱璧以先
 駟馬所以享於上者禮之恭幣之重者也然不如坐
 進此道以道之為天下貴雖坐而進之過于恭禮重
 幣也天子三公所以坐而論者不過此而已矣古之
 所以貴此道者何也不曰求以得有罪以免耶求以
 得則所謂善人之寶有罪以免則所謂不善人之所
 保也唯其如此此所以為天下
 貴而古之所以不得不貴也

息齋註

與者藏也道為萬物之所貴如與之能藏物
 賢者以道為寶故樂得其得不賢者非道莫
 保故樂免其罪由其根于人心之自然無使之者故
 言依于道則其美可市行依于道則其尊可加于人
 苟非人心之自然則言而不從行而不應矣由人各
 根于道不幸而陷于不善則聖人亦何忍棄之故立

天子置三公非以其富貴也蓋不欲遂棄人於不
 善還以斯道善之而已使雖有拱璧以先駟馬不如
 出一善言建一善行使天下之人不夫其善則其利
 豈小補哉由其以道覺民是謂坐進此道古之所以
 貴此道者何也以其善者不日而得其善使不幸而
 至于不善則亦足以自免于惡此豈不足以為天下
 邪貴

吳註

萬物之奧萬物之最貴者與室之西南隅寢廟
 之制有堂有室室在內故室為貴室中之制東
 南隅曰突東北隅曰窗西北隅曰屋漏與尊者所居
 故奧為貴道之尊貴猶寢廟堂室之與拱璧合拱之
 璧駟馬一乘之馬拱璧先駟馬猶春秋傳言乘韋先
 將命曰先朝聘以拱璧駟馬為至貴而
 未足貴也不如跪而進此道之尤貴

葉註

夫婦之愚未有求道而不得一有聞焉雖向所
 嘗以為罪者可以一洗皆空則道之為貴果在

此不在
彼也

為無為事無事味無味木小多少報怨以德圖難于
其易為大于其細天下難事必作于易天下大事必
作于細是以聖人終不為大故能成其大夫輕諾必
寡信多易必多難是以聖人猶難之故終無難為也
純甫云人皆有所為聖人亦人耳獨無所為乎但眾
人所為者有為之事聖人所為者無為之道此其所
以異也事所為之條件也
味所為之理趣也作起也

蘇註 聖人為無為故無所不為事無事故無所不事
味無味故無所不味其于大小多少一以道遇
之而已蓋人情之所不忘者怨也然及其愛惡之情
忘則雖報怨猶報德也世人莫不畏大而侮小難多

而易少至於難而後圖大而後為則事常不濟矣聖
人齊大小多少無所不畏無所不難而安有不濟
哉者

呂註 有道者其為常必於不為為之無為為無為政
事無事無事故未嘗求何則方吾之為也求
其為者不可得則為之于不為矣有為則有事為而
無為則事亦無事也方吾無事也雖味之而無味矣
味之者反覆尋繹之謂也道之為物視之不見聽
之不聞搏之不得雖反覆尋繹之復歸于無物而已
矣唯其如此故可以大可以小可以多以少多少
舉在于我而所謂怨者固無常心則不善者吾亦善
之德善不信者吾亦信之德信而皆報之以德矣人
之所難忘者怨也而以德報之則它不足以其心
矣非徒然也而圖難于其易為大于其細以天下之
難事必作于易天下之大事必作于細而我常無作
也苟有所作必于易與細而見之則所謂知其神
者是也能得之於吾心則其推之于天下國家無難

矣是以聖人終不為大故能成其大以為天於其細而不為大於其大故也出諸易也復言難也不慎而十出諸之際則言難復矣易而圖之則易也難而圖之則難矣不圖之於易圖之於難則難矣此俗人之所以寡信而多難也是以聖人史難之故終無難以難之於其易而不難之於難也

息齋註 則物不費世所謂大小多少者以形言也聖人遊於形器之外故大小多少等而為一夫大小多尚等而一之又況於恩怨報施之間乎吾所為所施者惟德而已豈知其有所怨豈知其有所報者哉既無恩怨報施之別又無大小多少之異其于天下之故豈有心于為之哉事必求易大必由細自易而往則難者亦易自細而行則大者亦細是以聖人終不為大而大必歸之者由其無心也惟其無心於事故未嘗先事而期於物豈若世之小夫已未為而先諾事至而多易先諾則必寡信多易則必多難聖人于事未至則常若難之非難之也不以我必于物故

若難之惟其難之故終無難

筆乘

夫事涉於形則有大小係形數則有多出此怨無為為為以無事為事以無味為味愛惡安除聖凡情盡而泊然棲乎性宅則大小多少一以視之而奚怨之可報哉惟德以密之而已然此無為無事無味也不可力得至易也不可目窺至細也雖至易而至難者待此以解難至細而至大者待此以成豈可以其易與細而忽之哉學道者亦或有見於此而又以為大之心奪之故易與細不常為我者唯聖人自始至終為無為事無事味無味而不以世俗所謂大者分其心故難者大者當處寂然了無留礙而大道自見理明用心剛者不能信不能守而可與輕諾多易之流道哉

其安易待其未兆易謀其脆異判其微易散為之於

易

未有治之于未亂合抱之木生於豪末九成之臺起于累土千里之行始於足下為者敗之執者失之是以聖人無為故無敗無執故無失民之從事常於幾成而敗之慎終如始則無敗事是以聖人欲不欲不貴難得之貨學不學復衆人之所過以恃萬物之自然而不敢為脆此為反判一作破成一作層今從傳奕古本未有者心未起時未亂者心未

蘇註 然矣而又輔之非自然也今從韓非本然矣而又輔之非自然也今從韓非本

然矣而又輔之非自然也今從韓非本然矣而又輔之非自然也今從韓非本

然矣而又輔之非自然也今從韓非本然矣而又輔之非自然也今從韓非本

然矣而又輔之非自然也今從韓非本然矣而又輔之非自然也今從韓非本

耕

以無執故能使福自生使禍自止譬如種苗深而厚耘之及秋自獲譬如被盜危坐而熟視之盜將自卻世人不知物之自然以為非為不成非執不留故常與禍爭勝與福生賢是以禍至于不救福至於不成蓋其理然也聖人知有為之害不以人助天始終皆因其自然故無不成者世人心存于得喪方事之微猶有不知而聽其自然者及見其幾成而重失之則未有不以為敗之者矣故曰慎終如始則無敗事人皆徇其所欲以傷物信其所學以害理聖人非無欲也欲而不欲故雖欲而不傷于物非無學也學而不學故雖學而不害于理然後內外空明廓然無為可以輔萬物之自然而待其自成矣

呂註 其安易持危而持之則難矣其未兆易謀已動而謀之則難矣其脆易破則不可使至于堅其微易散則不可使至于著物皆然心為甚通諸其心則于天下國家無難矣安也未兆也則是為之于未兆也脆也微也則是治之于未亂也合抱之木生于毫末大生于小也九層之臺起于累土高起于下也

千里之行起于足下遠起于近也則為之于未有治之
于未亂其本未常如此也為之于未有則是以不
為之也治之于未亂則是以不治治之也已有而
為之則為之欲成而反敗之已亂而治之則執之欲
固而反失之也是以聖人為之于未亂則我固無執也故無失民之
也故無敗治之于未亂則我固無執也故無失民之
從事常在既有之後故至于幾成而敗之以不知其
本故也使知大生于小高起于下遠始于近慎終如
始則無敗事也是以聖人欲不欲不欲不貴難得之貨則
滑欲于俗思以求致其明非知此者也不貴難得之貨則
衆人之所過以求復其初者非知此者也不貴難得之貨則
繕性于俗學以求復其初者非知此者也不貴難得之貨則

元澤註

難得之貨而已聖人所謂無為無執者故未
至于釋然都忘也但不于性分之外更生一切耳且
民飽食煖衣性所不免欲此而已不為有欲而難性
之後更貴難得之貨此乃愚人迷矣失本已遠故也
故聖人常欲不欲以抹其迷而反之性不學之學非

面考作迷惑扶

無學也所學在子不學所以復衆人之所過故也衆
人逐末多事聖人以不學之學抹其過而反之道
自然者莊子所謂反以相天是也為之則以入滅天
矣故不敢為然則萬物安乎性命之常而事物無所
兆矣夫豈有脆之可
泐微之可散者哉

思齋註

聖人常安其所安故其安無不安而其持無
起自其未兆而謀之自其脆而破之自其微而散之
故無有撓其安者由持其安於未有治其心于未亂
譬如合抱之木生於毫末九層之臺起于累土千里
之行始于足下於無為之中自然而為于無情之中
自然而積累日益善日益積而聖人未嘗知也若
有意為之即為敗之有意執之即為失之由其無為
故無敗無執故無失世之於道所以難成而易壞者
由其有意於為之執之方其始若無所容其勤及其
終又不免于怠皆為之執之之咎也使其始不為其
只不執則求其勤且不可得而況於怠歟此世所以

幾成而敗也惟聖人以不欲為欲故未嘗貴難得之貨所謂難得者不必金玉也身外之物皆難得矣衆人目過于色耳過于聲吾以不學為學收視及聽復衆人之所過以輔道之自然而不敢為夫豈有為之病哉

吳註 慎終如始又承上文終無難與終不為大二終字而言始雖以為難至終而不以為難始雖不敢以為大至終而自以為大則事幾成而敗于終者有矣故必慎終如始始以為難而終亦以為難始不為大而終亦不為大則終無敗事也

劉槩註 欲衆人之所不欲故曰欲不欲不欲衆人之故曰學不學不學衆人之所學故曰復衆人之所過

古之善為道者非以明民將以愚之民之難治以其

智多故以智治國國之賊不以智治國國之福知此兩者亦楷式能知楷式是謂玄德玄德深矣遠矣與

物反矣乃至於大順楷摸也式法也下徹曰深有周曰遠反乃順者司馬曰物情莫不貴智而有玄德者獨賤之雖反於物乃順於道

蘇註 古之所謂智者知道之太全而覽於物之終始故足貴也凡民不足以知此而溺于小智以察為明則智之害多矣故聖人以道治民非以明之將以愚之耳蓋使之無知無欲而聽上之所為則雖有過亦小矣苟以智御人人亦以智應之則上下交相賊耳吾之所貴者德也物之所貴者智也德與智固相反然智之所順者小而德之所順者大也

呂註 衆人昭昭我獨若昏俗人察察我獨悶悶我愚人之心也哉古之善為道者在己若此則推之

欲

于民也。因非明之將以愚之也。察察昭昭則所謂明之也。若昏悶悶則所謂愚之也。民之失性居華而去實故智多而難治誠欲治之則去智與故鎮之以無名之樸則彼將自化而以智治之適所以亂之也。蓋不識不知順帝之則而毀則為賊治國而以智則毀其則矣。故曰以智治國國之賊治國而不以智則無介然之知其道甚夷而無益生之祥則有國之母可以長久故不以智治國國之福知此兩者非特施之於治國而已而於身亦措式而未嘗違也。蓋知其子守其母愛身不殆則不以智治之而福者也。開其兌濟其事終身不效則以智治之而賊者也。則不以智之與以智非亦我之措式乎。誠知措式而不違其德可謂玄矣。德而至於玄則深而不可測遠而不可量以情觀之不能莫逆于心及其至也與物反本無所于逆故曰常知措式是謂玄德玄德深矣遠矣與物反矣然後乃至太順。

息齋註

夫所謂道者不在耳目聲色之間而世人日視非色耳聽非聲為聲色之所留礙而不知

見聞覺知有出于聲色之外者。今遽告人曰爾之見聞覺知皆非真也。則人疑不怪且笑。故道非明見將以為為愚而憐之可也。夫民之愚留礙于聲色不知自解吾方示之以無為示之以澹泊且猶未悟而况欲以智示之。斯生民之患在于多智。智不以正其智為邪。今吾未能覺其邪而又以智示之是反開其為也。故以智治國為國之賊。倘行其所無事而不開民之機心機心不生則純白備謂之國福不亦可乎。上之所行下之所效未有我靜而彼動我素朴而民多欲者。故曰知此兩者亦措式能知措式是謂玄德玄德深矣遠矣與物反矣是故不可。明民由其與道合是故謂之太順。

劉仲平註

不以智治國者開天者也。以智治國者開人者也。開天則順順聽行其所無事其政所以不嚴而洽。開人則鑿鑿則失于太察其民所以不淳而缺。故曰以智治國國之賊不以智治國國之福。

江海所以能為百谷王者以其善下之故能為百谷
 王是以聖人欲上人以其信下之欲先人以其身後
 之是以處上而人不重處前而人不能害是以天下
 樂推而不厭以其不爭故天下莫能與之爭王之為
 言天下
 所歸性也處上
 聲下同樂入聲

蘇註 聖人非欲上人非欲先人也蓋下
 之後之其道不得不上且先耳

呂註 江海之所以能為百谷王者以其善下之故能
 為百谷王則能為天下王者亦善下之而已則
 玄德者乃所以下下之道也並周以為以此處下則
 玄德素主之道而舜之在下則曰玄德升聞則玄德
 者固聖人所以處下之道也以處下之道而居人上
 乃所以下之也聖人之有天下也以言其位則固欲

上人也然以孤寡不設為稱而受國之垢與不祥則
 以其言下之也以言其信則固欲先人也然道而後
 動感而後應不得已而後起則以其身後之也夫雖
 以其言下之則處上而人不重不重則以戴之為輕
 矣以其身後之則處前而人不害不害則以從之為
 利矣不重不害此天下所以樂推而不厭也夫以其
 言下之以其身後之則不爭者也樂推而不厭則天
 下莫能與之爭者也非體玄德者其能若是乎故曰
 夫唯不爭故天下
 下莫能與之爭

息齋註 聖人不得已臨蒞天下其視首出庶物與在
 民上為何等事哉故有天下而能以言下民
 能以身後民非必天下者不能也是以處民上而民
 不重不知其有君也處民前而民不害不知其有民
 也惟其上下相忘是以天下樂推而不厭蓋吾之所
 取者非民之所爭也無為之為天下且不見其朕况
 爭與之

天下皆謂我道大似不肖夫唯大故似不肖若肖人
 矣其細也夫我有三寶寶而持之一曰慈二曰儉三
 曰不敢為天下先夫慈故能勇儉故能廣不敢為天
 下先故能成器長今舍其慈且勇舍其儉且廣舍其
 後且先死矣夫慈以戰則勝以守則固天將救之以
 慈衛之

肖似也夫並音符長
 舍並上聲衛護也

蘇註 夫道曠然無形類然無名充滿萬物而與物無
 耳而何足大哉道以不似物為天故其運而為德則
 亦悶然以鈍為利以退為進不合于世俗今夫世俗
 貴勇敢尚廣大奪進銳而吾之所寶則慈忍儉約廉
 退此三者皆世之所謂不肖者也世以勇決為賢而

以慈忍為不及事不知勇決之易挫而慈忍之不可
 勝其終必至于勇也世以廣大蓋物而以儉約為陋
 不知廣大之易窮而儉約之易足其終必至于廣也
 世以進銳為能而以不先為恥不知進銳之多惡
 于人而不敢先之樂推于世其終卒為器長也蓋樸
 散而為器聖人用之則為官長自樸成器始有屬有
 長矣勇廣先三者人之所共疾也為衆所疾故常近
 于死以慈衛物物之愛之如父母雖為之效死而不
 辭故可以戰可以守天之將救是人也則開其心
 志使之無所不慈無所不慈則物皆為之衛矣

呂註 天下徒見我道之大而謂其似不肖而不知其
 左右無乎不在者也彼見其無乎不在無可擬者謂
 之似不肖而不知其無不在而似不肖乃道之所以
 為天也蓋萬物莫非道也則道外無物矣道外無物
 則無所肖者此其所以為大也若有有所肖則道外有
 物矣道外有物則道有所不在其尚得為大乎故曰
 天下皆謂我道大似不肖夫唯大故似不肖若肖人

矣其細也夫蓋我道所以如此之大者以吾無我而不爭故也夫唯無我而不爭故能持人之所難持我有三寶保而持之曰慈二曰儉三曰不敢為天下先此皆持人之所難持者也何則人不能無我而不爭故勇而不能慈廣而不能儉先而不能後則無我不爭乃其所以能保此三寶而持之也天下有始以爲天下母而我守之常寬容于物不削于人非慈乎其行身也徐而不費以約爲紀非儉乎未嘗先人而當隨人人皆取先已獨取後非不敢爲天下先乎夫慈爲柔弱矣而能勝剛強是能勇也儉爲不費矣而用之不可既是能廣也不敢爲天下先爲後人矣而聖人用之以爲高長者皆從我者也是能成器長也今舍其慈且勇舍其儉且廣舍其後且先則剛強之徒而已死亦宜矣夫自事觀之則軍旅之事愛克厥威克因功則慈宜若有所不行也然自本觀之則所以能立其威者以慈而已故曰夫慈以戰則勝以守則固夫唯慈故儉故不敢爲天下先則慈者三寶之所自而始也舍其慈則死保其慈則生則慈乃

所以衛吾生者也故曰天將救之以慈衛之慈立而三寶舉矣

元澤註

有者有所似道爲萬物祖故體道者物當似我我豈似物乎蓋有所似則是象彼則彼必大而我小矣凡此三寶皆俗情所謂小而乃至人之所以爲天也慈主于愛愛物仁也而獨稱慈者仁則廣德以覆下于未爲盛矣老子方語其本故不曰仁曰慈慈者父道仁之本而不假爲者也儉之爲德寡欲也貴本也愛物也一言而三善至者其儉乎若孔子曰禮與其奢也寧儉蓋聖人制禮將以爲儉而方其爲禮也不得獨儉非禮則無未非老子則不知本本乎本乎聖人之道于是爲至子于易則謙是也天地人神皆以謙爲貴故聖人寶之慈者不爭而勝勇莫大焉厚區以奢侈自廣者其狹甚矣唯無以未傷本無以外戚內者至廣也此聖人之行故但爲器長而已若道之長則夫嘗在物後也以人滅天以事勝道借使幸免蓋失所以生矣三寶皆天德而立本者也正如正兵之正正兵之言師整而不動也愛民如

子則民愛之如父，不令而齊矣。彼倒戈攻于後，以地者上不忍，故也。一本作以戰則勝，戰守主于後伐而尚以慈為德。

韓非解

愛子者慈於子，重生者慈於身，貴功者慈於事。除其禍，事除其禍，則思慮熟，思慮熟則得事理，得事理則必成功，必成功則其行之也不疑，不疑之謂勇。聖人之於萬事也，盡如慈母之為弱子慮也。故見必行之道，見必行之道則明，其從事亦不疑，不疑之謂謂勇，不疑生於慈，故曰慈故能勇。周公曰：冬少之謂凍，也。不固則春夏之長草木，也不茂，天地不能常，常費而況於人乎？故萬物必有盛衰，萬事必有弛張，國家必有文武，官治必有賞罰，是以智士儉用其材，則家富，聖人愛寶，其神則精，盛人君重戰，其卒則民衆，民衆則國廣，是以舉之日儉，故能廣。

董註

此倣用兵以明道，貴在于守慈也。或云若以人身言之，則邪念多于敵國，利欲勝于鋒鏑，蓋亦寡欲以至於無欲。

寡欲以至於無欲

夢得註

我自處也，易物無所不濟，難故即三者推慈，以為先而終復明之，以為戰則勝，守則固，是而備之。此老氏之所怛然，有期于天下者與。

善為士者不武，善戰者不怒，善勝敵者不爭，善用人者為之下，是謂不爭之德。是謂用人之力，是謂配天

古之極。古者車戰為士，甲士二人在車上，左執右，持矛中御車，掌旗鼓，皆欲其強武，戰卒七十

二人在車下，蓋至爭者，惟兵故借之以明不爭之德也。羅什曰：心形既空，孰能與無物者爭。

蘇註

士當以武為本行之法，若以武行武，則死矣。也。以我故殺入，天必殃之，以吾不爭，故能勝彼之爭。若皆出于爭，則未必勝矣。人皆有相上之心，故莫能

相為用誠能下之則天下皆吾用也

呂註

士之為言事道而以將人為任者也事道則以不爭而勝將人則用人之力若然者何所事武哉故曰善為士者不武為士而無所事武則善戰者不怒善勝敵者不爭善用兵者為之下固其宜也何則禮道者不爭不爭則天下莫能與之爭則善為上者不武善戰者不怒善勝敵者不爭是謂不爭之德也禮道者能下人能下人者樂為之用而不自用則善用人者為之下是謂用人之力也德則不爭力則用人雖用兵之危我猶無為況其德乎無為為之謂天德至于無為則與天同而無以加矣故曰是謂配天古之極

息齋註

聖人身且不可而況于爭由其不爭凡所應物者皆其不得已也故為士則不武當戰則不怒勝敵而不必與之爭用人而不必加其上故能以德服人而人亦樂為之死是謂配天古之極也

用兵有言吾不敢為主而為客不敢進寸而退尺是謂行無行攘無臂仍無敵執無兵禍莫大於輕敵輕敵幾喪吾寶故抗兵相加哀者勝矣

上如字下戶剛反言者列也仍就也詩曰仍執醜虜兵五兵戈矛交戟于也說文云拱手執斤曰兵幾平聲喪去也抗舉也林希逸云此章全是借戰事以喻道推此則書中設喻處其例甚明

蘇註 主造事者也客應敵者也進者有意於爭者也退者無意於爭者也苟無意於爭則雖在軍旅無可獲無敵可因無兵可執而安有用兵之咎耶聖人以慈為寶輕敵則輕戰輕戰則輕殺人喪其

可以為慈矣兩敵相如而吾出於不得已則有哀心哀心見而天人助之雖欲不勝不可得也

呂註

道之動常在於迫而能以不爭勝其施之于用兵之際宜若有所不行者也而用兵者有言吾

不敢為主而為客不敢進寸而退尺則雖兵猶迫而後動而勝之以不爭也而況其它乎何則主逆而客順主勞而客逸進驕而退卑進躁而退靜以順待逆以逸待勞以卑待驕以靜待躁皆非所敵也所以爾者道之為常出於無為故其動常出於迫而其勝常以不爭雖兵亦由是散也誠知為常出於無為則吾段之行常無其攘常無臂其仍常無敵其孰常無兵安往而不勝哉苟為不能出於無為知主而不知客知進而不知退是之謂輕敵輕敵則吾之所謂三寶保而持之者幾于喪矣故曰禍莫大於輕敵輕敵幾喪吾寶夫唯以不爭為勝者則未有能勝之者也故曰抗兵相加哀者勝矣

吳註此申言慈之寶用兵有言者用兵者嘗有是言進寸難進也退尺易退也仍就也不為首兵但為應兵雖為應兵亦不欲戰不敢近進寧于遠退進戰者整其行陣而行讓臂以執兵前進以仍敵不行則雖有行如無行不讓則雖有臂如無臂不執則雖有兵

如無兵不仍之則鮮有敵在前如無敵也

吾言甚易知甚易行天下莫能知莫能行言有宗事有君夫唯無知是以不我知也知我者希則我貴矣是以聖人被褐懷玉

宗者燒之總也道者事之總也

蘇註道之大復性而足而性之妙見于起居飲食之間耳聖人指此以示人豈不易知乎人能體此以應物豈不易行乎然世常患日用而不知知且不能而况行之乎言者道之筌也事者道之迹也使道可以言盡則聽言而足矣可以事見則考事而足矣世言不能盡事不能見非舍言而求其宗遺事而求其君不可得也蓋古之聖人無思無為而有漠然不自知不自知者存焉此則思慮所不及是以終莫吾知也使為衆人所能知亦不足貴矣被褐懷玉者聖人外與人同而中獨異也

呂註 道法自然其言亦希而自然自然則無為則知何耶以言有宗事有君而天下不知其宗與君是以不言知也何謂宗無為而自然者言之宗也自其宗而推之則言雖不同皆苗裔而已矣其有不不知者乎何謂君無為而自然者事之君也得其君而治之則事雖不同皆臣妾而已矣其有不行者乎惟其不知宗之與君此所以不吾知也夫道之所以為天下貴以其不可以知也知則不可以識識故為天下貴使道而可以知則知識則何貴乎道哉故曰知我者希則我貴矣是以聖人若辱若愚之心之容而大白盛德天下鮮儷者是之謂被褐懷玉

息齋註 道甚易知易行而亦難知難行所謂易知者不甚易知甚易行者哉然至道不可道而言語皆非學不可學而心動即為為無為而寂然不為者未必是事無事而終日事者未必非此其所以為難而天下莫知莫行也蓋聖人言有宗事有君故言在此

殊同考作別

莫不同考作莫能

而義在彼事雖是而心不同知言之宗則言之差殊不必問也知事之君則事之差殊不必疑也夫唯人之無知是以不我知夫唯不我知此我之所以為貴使我之知不出于我之知則為我者亦不足貴矣

宏甫註 吾言甚易知是以天下莫不知甚易行是以能行何者而不行雖莫不知何者而我知吾故何也吾言一出於宗而吾行一制于君而我無知焉故也使吾而有知則人亦將以吾之知而知吾矣是以知為天下役也非大君與宗主矣何是貴乎

知不知上不知知病夫唯病病是以不病聖人之不病也以其病病是以不病

蘇註 道非慮慮之所及故不可知然方其未知則非不知者上不知而不知者病既不可不知則病矣故知而不可知唯知知為病者久而病自去矣

呂註 道之為體不知而能知者也知其不知而以不知而

知而以知知之則其心庸詎而寧乎故曰不知知病

夫唯知知之為病而病之則反乎無知而知不足以

病之矣故曰夫唯病病是以不病聖人不病以此而

已故曰以其病病是以不病南伯子綦曰我悲人之

自喪者吾又悲夫悲人者吾又悲夫悲人之悲

者其後而日遠矣若子綦者可謂病病者乎

息齋註 知者逐物故多為不知者返本故近真人能

知知之為偽而徒益其知則是以病為藥其病有不

可勝言者惟知知之為病是以不病聖人所以不病

者以其知之也

筆乘 道以知入以不知化知即釋氏之知無也不知

遣其知萬法歸無無亦不立非上而何彼於虛空之

中橫生意見清淨之內忽起由河惶目生華迷頓

影則病矣凡有知皆妄也凡有妄皆病也學者方知

以為玄覽寶而持之病矣從癆乎聖人之不能為知

猶夫人也而知不為病者知知之為病故耳知其為

病則勿藥而病瘳矣知不知上所謂生而無生真生

其然也不知知病所謂無生而生業果宛然也唯

民不畏威則大威至矣無狹其所居無厭其所生夫

-5 225 35 895" data-label="Text">

唯不厭是以不厭是以聖人自知不自見自愛不自

貴故去彼取此威畏古通用人不畏其所當畏則大

事狹胡夾反

作御厭於豔反

蘇註 夫性自有威高光明光大赫然物莫能加此所謂

大威也人常患溺于眾妄畏生死而憚得喪萬

物之威雜然乘之終身惴惴之不暇雖有大威而不

-5 225 35 895" data-label="Text">

自知也苟誠知之一生死齊得喪坦然無所怖畏則

大威憚然見于前矣性之大可以包絡天地彼不知者以四肢九竅為己也守之而不厭是以見不出視聞不出聽其然其甚陋也故教之曰無狹其所居彼知之者知性之大而吾生之狹也則憮然厭之欲脫而不不得不知有厭有慕之方固于物也故教之曰無厭其所生夫唯聖人不狹不厭與人同生而與道同居無廣狹淨穢之辨既不厭生而後知生之無可厭也聖人雖自知之而不自見雖自愛之而不自貴以眩人恐人之有厭有慕也厭慕之心未

呂註 民不真于道而唯識知之尚故生生厚生不為此天之所自以明威而大降其虐也故曰民不畏威則大威至矣夫唯以道治天下者知夫充滿天地包裹六極九命于天者其居之所同然也勿狹之所同然也勿厭之而已夫民無常在我而已夫唯我不厭是以民亦不厭也則奚不畏威之有哉是故聖

人自知以常而不自見以外其身知常而外其身乃所以不狹其居也自愛以畜而不自貴以遺其生愛畜而遺其生乃所以不厭其生也故夫彼知識之病而取此不識不知之病也

元澤註 小其道塞其生故民巧偽彫薄而威不能服也夫如是則天誅所加禍亂將起故曰大威至民性本自廣大流通而世教下衰不能使之復樸乃威其居之厲而使狹厭其生之通而使塞夫唯狹其居故民不淳而偽唯厭其生故民不厚而薄聖人不然使民逍遙乎天下之廣居而各遂其浩然之性則其有于威者物莊子曰稀韋氏之國黃帝之圖堯舜之宮湯武之室此明世世下衰漸狹其居也彼聖人豈有優劣乎而居乃斬狹者所遺之時則然也上不自厭其生而盡性故民亦得盡性也莊子曰不厭其天此之謂也厭者天厭之之厭自見則矜成自貴則賤物此所以自狹其居自厭其生亦以狹民之居厭民之生也自知則明乎性而不為妄自愛則保其身而不

為非夫然則豈至乎

童註

居者性之地居天下之廣居則與太虛同其體矣生者氣之聚舍太卜之至精則與造化同其用矣惟由士不可以謂道苟不弱于小術而實所無以自狹其居則必棄有著無不蔽于斷滅以厭其所生矣是以造之以無狹無厭使學者知夫性者氣之純而其大無量當擴而充之以全其大生者道之寓而其用不窮當葆而養之以致其用則養氣全生盡性至命而不生厭慕之心所以體無非強無而無非頑也長生非貪生而生非礙也夫如是則生與道居而道亦未嘗厭棄于人矣見賢海切顯也去上聲自知則返察無畏而不狹其居自愛則絕外嗜欲而不厭其生惟自知自愛所以居之安也而不自見以矜能不自貴以賤物故無知之見忘愛之之心也

息齋註

夫欲人之畏愛者皆內不足而外慕者也聖人欲於肉視入之真不加益其不畏不加損

是以皆與之無為蓋居物之上使人畏已者易使人不畏已者難使我忘人者易使天下兼忘我者難民之威乎聖人之遇物隨所遇而安故不狹其所居不厭其所生蓋知其所居所生者皆非其實也我惟不自厭故生亦莫吾厭由其自知而不自見其有知由其自愛而不自貴其有愛使其有自見自貴之心則彼其所居厭其所生有不能一日安矣

吳註

感可畏者損壽成身之事大威大可畏者死也可畏者至矣莊子曰人之所取畏者衽席之上飲食之間而不知為之戒者過也狎玩習也所居身之所處厭憚惡而棄之也平日所處九損壽成身之事無所畏憚狎習為常安然為之言不不畏威也厭所生謂傷生速死是厭惡其所生而棄其命大威至矣夫惟不狎舊本作不厭廬陵劉氏云上句不厭當作不狎今從之夫惟不狎其所居而畏所畏是以不厭其所生而大可畏者不至矣自知自愛身之道自見自

顯者所知以示人自貴即後章貴生言貪生之心太
重也聖人于自愛之道雖自知于中然舍德襲明知
若不知不表表示人自見于外雖自愛之篤然體道
自然若無以生為亦不切切貪生自貴之過彼謂自
見自貴此謂自知自愛上文言不畏則有太威之禍
不狎則有不厭之禍昔為衆人言爾若聖人則不待
畏而自無可畏不待毋狎而自無所狎內有自知自
愛之實而外無自見自貴之迹所無者所去也所有
者所取也

勇于敢則殺勇于不敢則活此兩者或利或害天之
所惡孰知其故是以聖人猶難之天之道不爭而善
勝不言而善應不召而自來繾然而善謀天網恢恢
疎而不失殺猶死也利謂活害謂殺惡去聲繾音闌

坦

默則近則近不爭也

蘇註 勇于敢則死勇于不敢則生此物理之常也然
其或然而忽其常理夫天道之遠其有一或然者孰
知其好惡之所從來哉故雖聖人猶以常為正其于
勇敢未嘗不難之列子曰迎天意揣利害不如其已
患天道之難知是以歷陳之不與物爭于一時要于
終勝之而已天何言哉四時行焉百物生焉未有求
而不應者也神之格思不可度思矧可躬思夫誰召
之哉繾然舒綬若無所營而其謀度非人之所及也
世以耳目觀天見其一曲而不觀其大全有以善而
得禍惡而得福者未有不疑天網之疎而多失也惟
能要其終始而盡其變化然後知其恢恢廣大雖疎
而不失也

呂註 用其剛強而必於物者勇于敢者也則死之徒
是已故曰勇于敢則殺致其柔弱而無所必者

勇于不敢者也則生之徒是已故曰勇于不敢則活
勇于敢者人以爲利而害或在其中矣然則天之所惡殆非
人以爲害而利或在其中矣然則天之所惡殆非
孰知其故是以聖人之動也豫若冬涉川猶若畏四
鄰猶難之若此者以天之惡爲不可知故也夫唯不
可知則不識不知乃所以順帝之則也蓋天之生物
因其材而篤焉栽者培之傾者覆之則未嘗與物爭
者也而物莫能違之者故曰不爭而善勝天何言哉
四時行焉百物生焉其行其生未嘗差也故曰不言
而善應莫之爲而爲者也莫之致而至者命也故
曰不召而自來易則易知而其道盈虛與時消息而
未嘗違故曰坦然而善謀天聰明自自我民聰明天明
威自我民明威其聰明未嘗自用而惠吉逆凶
猶影響也故曰天網恢恢疎而不失夫唯天之道不
可知爲如此聖人所以勇于不敢而不識不知乃知
所以順之也

息齋註

人皆知勇于不敢而不知勇于不敢者蹈
白刃也庸不可能也白刃者較之蹈白刃者有善而
人輕其害蹈中庸者有利而人不知其利此中庸所
以爲難者歟輕于用勇人之所惑天之所惡孰知其
故雖聖人猶難之况衆人乎蓋天之道不爭而善勝
不言而善應不召而自來繹然而善謀知其惡于用
勇也自其天之未勝天之未應及來之未至謀之未
定而言之則強者或得勇者或勝蓋有之矣
其後而徐觀之然後知天網恢恢疎而不失也
吳註 敢爲惡之人乃天所惡然天之所惡深味難測
人猶有難之之意而不敢輕易殺之也聖人不輕易
殺之則爲惡者皆得漏網而天網不漏也天之于惡
人非如人之以力與爭而天定自能勝人非如人之
以口與言而其應如響應聲其報應之速不待召之
而自來至惡有惡報雖用智計不可逃免天雖無心
然然平易而巧于報應有非人謀之所能及此天網

恢恢廣大似若疏而不密然未嘗失一惡人
無得漏網者聖人雖不殺之而天自殺之也

宏甫註

勝以不爭應以不言求以不召正天之疎
而不失也若爭而後勝雖不疎必有失矣

民常不畏死奈何以死懼之若使人常畏死而為奇

者吾得執而殺之孰敢常有司殺者殺而代司殺者

殺是代大匠斲夫代大匠斲希有不傷其手矣

斲陟角反

蘇註

取煩刑重民無所措手足則常不畏死雖以死
懼之無益也民安于政常樂生畏死然後執其

詭異亂羣者而殺之孰敢不服哉司殺者天也方世
之治而有詭異亂羣之人恣行于其間則天之所棄

也而吾殺之則是天殺之而非我也非天之所殺而
吾自殺之是代司殺者殺也代大匠斲則傷其手矣

則及其身矣

呂註

民之為道固常不畏死者也唯無狹其所居無
厭其所生則可以使之畏威而重死矣奈何以

死而懼之而欲其畏死乎何以知其然也若使民常
畏死而為奇者吾得執而殺之則孰敢不畏死而為

奇乎然而執之而不勝殺之而不止者則民之不畏
死而不可以死懼之明矣然則以道治天下者宜如

何哉常有司殺者殺勿代之而已矣何謂常有司殺
者殺天網恢恢疎而不失天討有罪五刑五用則司

殺者天之謂也刑戮有出于好惡而不用于天討則
是代司殺者殺也代司殺者殺是代大匠斲代大匠

斲希有不傷其手者矣則
代司殺者殺其傷可知也

張耒

夫人之生不殺之于衽席飲食之疾病則殺之
盜賊刑戮者過半矣則人之于死實未嘗知畏

也而世之聖物者而欲物之畏不過示之以死亦甚
矣故曰民不畏死奈何以死懼之苟畏死邪則吾取

而為奇者而殺之宜民之不畏為奇也天下未嘗無刑
而為奇者不止則死之不足以懼物也明矣故曰若

者殺通考作而殺
對下有木字

與通考作保

使人畏死而為苦者吾得執而殺之孰敢也夫物不
患無殺之者也萬物民氓必歸于滅盡而後止則常
有司殺者殺矣竊司殺者之常理而移之以行其畏
非徒不足以懼物而亦有所不及者也故曰常有司
殺者殺夫代有司殺是代大匠斲希有不傷其手矣
然則操政刑死生之柄驅一世之民使從之殆非也
息齋註此言世之刑法不足恃以為治也民不畏死
而殺之則殺一人足以為治矣然愈殺而愈不可禁
則刑之不足恃也秦人用法嚴其網密而姦宄不勝
漢用法疎網漏吞舟之魚而天下歸于漢此亦足以
見矣天道福善禍淫是有司殺者于冥冥之中不可
逃也若必代司殺者殺如代
大匠斲未有不傷手者也

薛註

我朝太祖皇帝道德經序曰朕自即位以來
因知前代帝王之道問諸人皆我見一日
試覽羣書有道德經一卷見其文淺意與久之見本
經云民不畏死奈何以死懼之當是時天下初定民

通考作保

禩吏弊雖朝有十人棄市暮有百人仍為之如此者
豈不應經之所云朕乃罷極刑而囚役之不逾年而
朕心減朕知斯經乃萬物之至根王者之社師臣民
之極寶非金丹之術也於戲太祖蓋天縱大聖人
故其聰明睿智知言之奧如此豈聰明作元后
太祖之謂矣仁人之言其利溥哉老子之謂矣
民之飢以其上食稅之多也是以飢民之難治以其
上之有為也是以難治民之輕死以其生之厚也
是以輕死夫唯無以生為者是賢于貴生稅租也純
南云無以
生為者賢于貴生即吾無吾身吾有何患之
意此章之言由粗及精要歸其重于此耳
蘇註治上以有為導民民亦以有為應之故事多而難
利不厭貴生之極必至于輕
死惟無以生為而生自全矣

卷之四

卷之四

卷之四

呂註 夫之耕足食數口則奚至於飢哉而至於
食是謂同德奚難治哉而至於難治者非以其上之
有為故難治耶其其食美其服安其俗樂其居則奚
至于輕死哉而至於輕死者非以其生之厚故輕
死耶是以聖人無事而民自富無欲而民自樸則至
于食稅之多而飢無有也無為而民自化好靜而民
自正則至于有為而難治無有也自富自樸自化自
正而不飢以難治則至于於生之厚而輕死無有也
蓋所以生之厚而至于輕死者以其踉跄好知爭
歸于利而不可止故也夫惟生之厚遂至于輕死
則無以生為者賢于貴生可知矣是故聖人不見
以外其身不自貴以遺其
生知其無以生為而已矣

息齋註

上多取則下貧上有為則下亂必然之理也
我欲厚其生則不顧人之生我厚而彼薄彼
安得不輕死聖人之于生蓋不得已彼視其生若無
以生為也豈肯厚吾之生而奪人之生哉是之謂賢

於真

人之生也柔弱其死也堅強草木之生也柔脆其死
也枯槁故堅強者死之徒柔弱生之徒是以兵強
則不勝木強則共強大處下柔弱處上
商象殺生於朝七日大共秦伯怒蹇叔曰墓木拱矣皆合拱也董音如字言人共代之也處上聲
為註 冲氣在焉則體無堅強之病至理在焉則事無
必速木自拱把以上必代矣物之常理精者
在上粗者在下其精必柔弱其粗必強大
呂註 道之為物無形而不爭則天下之至柔弱而人
也堅強草木之生也柔脆其死也枯槁則雖有形者
亦以堅強而死柔弱而生而况體無形之道而不致

其柔弱其可得乎是以兵強則恃之而驕而敵國之
所謀也我驕而敵謀所以不勝也木強則伐伐之所
以共而舉之也非徒然也而以位言之則天以氣在
上地以形在下氣則柔弱形則堅強臣以有為事上
君以無為為畜下有為則堅強無為則柔弱堅強居下
柔弱處上物之理也然則柔弱之能勝剛強可知矣
息齋註 此章汎言柔弱之必生剛強之必死柔弱雖
而涉于有為無為則去道不遠有為則吉凶悔吝隨之益遠于道矣

吳註 用兵亦弱若謀深而工敵輕而玩之故勝恃強
者慮淺而驕敵懼而備之故不勝兵法始如處
女敵人開戶示之弱也後如脫兔敵不及距則能勝
之矣秦兵過周超乘三日竟敗于穀齊兵入晉桀石
拔人竟敗于鞏此恃強不勝之驗也其兩手所圍也
木之弱而搖動者為近末之小枝強而不搖動者則
為近根合共之大幹也因言兵而并及于木上文言
兵強者為人所勝是處下也不能如勝人者之處上

木強者近根之幹是處下也不得如小枝之處上推
此物理則知人之德行凡堅強者登已凌人必廢其
貴高而反處人下矣柔弱者
衆所尊戴而得一處人上矣
天之道其猶張弓乎高者抑之下者舉之有餘者損
之不足者補之天之道損有餘而補不足人之道則
不然損不足而奉有餘孰能以有餘奉天下唯有道
者是以聖人為而不恃成功而不居其不欲見賢耶
抑之舉之二句言張弓有餘不足二句言天道凡弛
弓俯其體則弛在上強向下張之而仰其體則附向
下強在上是抑強之高者使之向下舉弱之下者使
之在上天之損有餘如抑其強而使之下其補不足
如舉其弱而使之高見賢遍反

卷之四
六十一

主

希聲註

易曰立天之道曰陰與陽，立地之道曰柔與剛，立人之道曰仁與義。蓋張弓之象也。天道盈虛一草七間，損日之有餘補月之不足，人道則不然。損其不足之民而奉有餘之君，孰能去天之道以為人道。損己之有餘以奉天下之不足，其唯有道者乎。在易損下益上，曰損損上益下，曰益。以下為本也。是以聖人能為之而不恃其事，能成功而不居其所以，其不欲見賢于人，故天下謂之似不肖者，損有餘奉不足之旨也。

蘇註

張弓上筋弛弓上角，故以况天之抑高舉下。天無私故均，人多私故不均。有道者，瞻足萬物而不辭，既以為人，已愈有，既以與人，已愈多。非有道者，無以堪此為而恃成，而處則賢見于世，賢見于世則是以有餘自奉也。

呂註

天之道無為而已矣，無為則無私，無私則均。天之張弓也，高者抑之，下者舉之，有餘者損之，不足者補之。

夫

足者補之，適于物而已矣。夫天之道非故以抑高而舉下也，無為任物之自然，則高者為有餘，不得不損而損下者為不足，不得不舉而益滿。招損謙受益，時乃天道是也。人之道不能無為，不能無為則不能無私，不能無私則至于損不足以奉有餘，不足與也。夫唯有道者知未始有物而有為之，與功名皆我所餘，而天下之所不足而爭之，故損之以奉天下而不有。此故曰孰能損有餘以奉天下，唯有道者聖人則有道者也。是以為而不恃，功成不居，其不欲見賢于人，九以法天之道而已矣。

息齋註

哀多以益寡者，天之道也。哀寡而益多者，人之道也。惟聖人能以記有餘而奉人不足，故其能及萬物而不恃其能，功蓋天下而不居其功，利澤施于天下而不欲見其賢，唯有道者而後如此。天下莫柔弱于水，而攻堅彊者莫之能先，以其無以易之也。故柔之勝剛，弱之勝彊，天下莫不知，莫能行。

老子卷之八

臨

是以聖人云受國之垢是謂社稷主受國之不祥是謂天下王正言若反

蘇註

正言合道而反俗俗以受垢為辱受不祥為殃故也

呂註

天下之物唯水為能因物之曲直方圓而從之突勝谷浮載天地唯水為能則是攻堅強者無以先之也所以然者以其雖曲折萬變而終不失其所以為水是共無以易之也夫水之為柔弱而柔弱之勝剛強天下莫不知而老子數稱之何也以下雖莫不知而莫能行也夫聰明睿知足以有天下雖患者在於材力之不足也願未能損有餘以奉天下持之以柔弱而常為名也智主事任謀府之所累耳故老子論道德之將終而數數及此又引聖人言以信之曰受國之垢是謂社稷主受國之不祥是謂天下王明所以服天下者在此而不在于彼也夫三代

之王必先其令聞而曰受國之垢與不祥而為社稷主為天下王何也蓋必先其令聞非過名之言也不及名之言也受國之垢與不祥則過名之言也名不足以及言之也不及名之言應事應事言之實也過名之言體道體道言之正也正言而曰受國之垢與不祥故曰正言若反湯武之言曰萬方有罪在予一人此知以國之垢與不祥而受之者也

宏甫註

以聖強攻堅強雖能勝之終必缺陷故攻堅強者莫勝于柔弱柔弱者不期勝而自勝也故又戒之曰其無以輕易柔弱為也畢竟柔弱能勝剛強而剛強者不與焉夫山數藏疾至柔也川澤納汙至弱也苟為社稷之主而不能受多方之垢為天下之王而必欲國家之無天尊四海之無凶人可得耶雖欲剪除而撲滅之祗自勞耳此益若反于正言其實天下之正言也不可不察也

和大怨必有餘怨安可以為善是以聖人執左契而

其本下與有而為如
其本五字

冰

不責于人故有德司契無德司徹天道無親常與善

人其苦言反徹徹
法也直列反

蘇註

夫怨生於妄而妄出于性知性者不見諸妄而
又何怨乎今不知除其本而欲和其末故外雖
和而內未忘也契之有左右所以為信而息爭也聖
人與人均有是性人方以妄為常馳騁于爭奪之場
而不知性之未始少妄也是以聖人以其性示人使
知除妄以復性待其妄盡而性復未有不廓然自得
如右契之合左不待責之而自服也然則雖有太忍
懲將浼然水解知其本非有矣而安用和之彼無德
者乃欲人人而通之則亦勞而無功矣徹通
也天道無私惟善人則與之契之無私也

呂註

復離者不折鍊下雖有忤心不怨飄瓦是以天
下平均不由此道則怨之所生也而人欲和之
不可勝解矣故曰和太怨者必有餘怨不善者吾亦
善之乃所以為德善和太怨而不免于有餘怨安可

以為善哉是以聖人執左契而不責于人使復
離者不折鍊下雖有忤心不怨飄瓦而天下平均之
道也蓋古之獻車馬執有契右契所以取左契所以
與則左契者常以與人而不為物生者也聖人為而
不恃功成不居每以有餘奉天至于殺人則有司
殺者殺而未嘗尸之則是執左契以與人而不為物
主此其所以無怨而不責于人之道也夫豈以和之
為悅乎故有德司契則不責于人而已無德司徹以
通物為事者也天道無親常與善人無親而唯
善人之與是亦以執左契而不責于人之道也
息齋註怨之不可和猶火之不可寒水之不可熱若
人治天下如執左契以求于右契因怨取與吾何心
哉如契之合適於符而已苟有不合不強其所無不
責之也蓋大小長短彼各有契自合其合而吾無容
私焉若必欲強通之是司徹非司契也天道亦然天
道無親常不失善
益亦司契而已

此子思

卷之八

三十三

吳註 執左契不責于人無心待物也契者刻木為券
中分之各執其一而合之以表信取財物于人
曰責契有左右左契在王財物者之所者契以付來
取財物之人王元澤曰史記云操右契以責事禮記
云獻田宅者操右契則知左契為受責者之所執徵
謂執左契者已不責于人待入來責于已有持右契
來合者即與之無心計較其人之善者恕怨者有心
于為善人也不若無心待物如執左契而不責于人
靜中視物而任其自然也有德無心待物無德有心
待物徹通也古者助法周改助為徹法恐人家私田
所收之不均故人家私田亦令通力合作而均收之
人家所得均平而無多寡之異司左契者任人來取
無心計較其人故曰有德司徹法者惠其不均有心
計較故曰無德和怨者恐善人受害有心為之亦如
司徹者有心于為力弱之家恐其所得者寡矣

小國寡民使有什伯之器而不用使民重死而不遠

徙雖有舟車無所乘之雖有甲兵無所陳之使民復
結繩而用之甘其食美其服安其居樂其俗鄰國相
望雞犬之音相聞民至老死不相往來
什器顏師古註云五人為伍十人為什則其器物故
通謂什伍之具為什物不用者無往來免諸待省條
後也舟與甲兵舉其重者言之樂入聲望平聲相望
相聞近也至老死久也近而且久不相往來者各足
故也道足則無事咨詢財足則不相乞假

蘇註 老子生于衰周文勝俗弊將以無為救之故于
書之終言其所志願得小國寡民以試焉而不
可得耳民各安其分則小有材者不求用于世什伯
人之器則材堪什夫伯夫之表者也事少民材雖結
繩足矣內足而外無所慕故以其所有為美以其所
處為樂而不復求也民物繁夥而不相求則彼此皆

為世道考依五宗

老子曰

卷之四

三十四

足故

也

柏

呂註 三代以來至于周衰其文弊甚矣民失其性命
 之情故老子之言救之以質以反太古之治小
 國寡民使有什伯之器而不用使民重死而不遠徙
 雖有舟輿無所乘之雖有甲兵無所陳之此救之以
 質而反乎太古之道也莊周稱至德之世曰昔者容
 成氏大庭氏伯皇氏中央氏栗陸氏驪畜氏軒轅氏
 赫胥氏尊盧氏祝融氏伏羲氏神農氏當是時也民
 結繩而用之其其食美其服樂其俗安其居鄰國相
 孚鷄犬之音相聞民至老死而不相徠來則若此者
 非特老子之言而已古固有道也然詩書之所言
 則止于堯舜三代而老子欲反太古之治何哉曰夫
 道與世之交相喪久矣非大道不足使入反性命之
 情言道而不及其世不足知大道之已試此其所
 以必反太古之治也然則世去太古也久矣遂所以
 盡復乎曰未可也然則其言何也曰禮至于兼三
 王樂至於備六代其文極矣然而禮不以玄水太羹

而措之醴酒和羹之下樂不以琴管清聲加之朱紘
 疏越之上者使人知禮樂之意所不得已者如彼而
 所欲反本復始如此也方斯時也孔子左求文武周
 公之隆緒而廢之老子論其道與世如此其意猶是
 而已矣譬之月建已而火始王而金氣已生于其間
 矣此五材所以相繼而不絕也故聞古之治雖有什
 伯之器而不用有舟輿而不乘有甲兵而不陳則舉
 大事用大衆非不得已也聞其民結繩而用之鄰國相
 望雞犬相聞至老死而不相徠來則煩文倦令督籍
 趣留而足迹接乎諸侯之境車軌結乎千里之外非
 不得已也則不得已者常在於此而所欲復者常在於
 彼也則其肯煩事為以深治人之過乎然則欲天下
 不安平泰不可得也即歿而不言猶屏玄水徹疏越
 其孰知禮之能儉而樂之節樂為反本復始之意乎
 夫聖人之言豈小補哉

元澤註

小國寡民則民淳厚益國大民衆則利害相
 摩巧偽日生觀都邑與聚落之民質詐殊俗

卷之四

三十四

三十四

則其驗也無道之世民貪土瘠而利欲勝乎好生未
盛本衰而貪求在乎外慕故觸刑犯險如履平地而
車轍足跡交乎四方矣樂生遂性則重死安土無求
則不遠徙此盡性之治民亦盡其性者也竊嘗考論
語與孟子之終篇皆稱堯舜禹湯聖人之事業蓋以
爲舉是書而加之政則其効可以爲此也老子大聖
人也而所遇之變適當反本盡性之時故獨明道德
之意以收斂事物之散而一之于樸誠舉其書以加
之政則化民成俗此篇
其効也故經之義終焉

吳註

十人爲什百人爲伯什伯之器重大之器衆所
共也不用者不營爲不貪求重大之器無所用
也重死者視死爲重事而愛養其生不遠徙者生於
此死于此不他適也老子欲挽衰周復還太古國大
則民衆難治得小國寡民而治之使其民毋慕于外
自足于內如此也舟車甲兵非一人所可獨用用什
伯之器也無所乘無所陳不用也無所往則無用乎
用與無所爭則無用乎甲兵民淳事簡上古結繩之

狂易圖考依狂考

治可復雖有書契亦不可不用不但不用什伯之器而
已以所食之食爲甘以所服之服爲美充然自足愛
養其生言重死也以此身之居爲安而安之以此地
之俗爲樂而樂之言不遠徙也惟老死于所生之處
孰肯輕易遠徙哉民皆懷土雖相鄰之國目可以相
望雞犬之聲耳可以相聞如此至近至老死不相往
來不但不遠徙而已

信言不美美言不信善言不辯辯言不善知者不博
博者不知聖人不積既以爲人已愈有既以與入已
愈多天之道利而不害聖人之道爲而不爭
蘇註 信則爲實而已故不必美美則爲觀而已故不
必信以善爲主則不求辯以辯爲主則未必善
有一以貫之則無所用博博學而且益者未必知
也聖人抱一而已他無所積也然施其所能以爲人

推其所利以與人，人有盡而一無盡，然後知一之為貴也。勢可以利人，則可以害人。力足以為之，則足以爭之。矣。能利能害，而未嘗害能為能爭，而未嘗爭。此天與聖人大過人而為萬物宗者也。凡此皆老子之所以為書與，其所以為道之太略也。故于終篇復言之。

呂註 道之為物，視之不見，聽之不聞，搏之不得，可以

事美，善言者善此，而已安。事辯，知言者知此，而已安。事博，由是觀之，則美者不信，辯者不善，博者不知。正知已何則？雖美與辯與博而不當于道，故也。道之為物，未始有物者也。聖人者，與道合體，夫何積之有哉？唯其無積，故萬物與我為一。萬物與我為一，則至當者也。故既以為人，已愈有；既以與人，已愈多。使其有積也，則用之有時，而既矣安，能愈有而愈多乎？老子之言也。內觀諸心，外觀諸物，仰觀諸天，俯觀乎地，無意不契，是信也。然而下士聞而笑之，天下以為為似不肖，是不美也。言之至近而指至遠，是善也。然而非以

圖考作唯夫

言為悅，是不辯也。其知至干無知，是知也。而其約不離乎吾心，是不博也。而學者以美與辯與博求之，則疏矣。老子之道也，以有積為不足，雖聖智猶絕而棄之。是無積也。故至無而供萬物之求，則是愈有而愈多也。而學者于其不能剗心焉，則不可得而至也。凡物有所利，則有所不利。有所不利，則不能不害矣。唯天之道無所利，則無所不利。無所不利，則利而不害矣。凡物之有為者，莫不有我，我有我，故有爭。聖人之道，雖為而無為，無為故無我，無我故不爭。是天之道而已矣。

筆乘 或曰：老氏之為書，使人得以受而味焉，則近乎

變而無不該，則近乎博。然不知其有信而不美，善而不辯，知而不博者，存何也？則以五千言所言皆不積之道耳。不積者，心無所住之謂也。夫積而不積，則言而無言矣。言而無言，故非不為人也。而未嘗分已之有非不為人也。而未嘗損已之多，斯何惡於辯博哉？苟非不積之道，而務執其意見以與天下爭，則多

言數窮者流非天道也天之道利而不害聖人之道
爲而不爭學者以此而剗心焉老氏之書亦思過半
矣故曰教而無教何必杜口於此耶言乃
△言自可了心於柱下讀者其勉旃哉

庚辰年人日

言卿 校

老子翼卷之四

老子翼卷之五

北海焦

竑弱疾輯

附錄

秣陵王元貞孟起校

史記老子列傳曰老子者楚苦縣厲鄉曲仁里人也
姓李氏名耳字伯陽謚曰聃周守藏室之史也孔子
適周將問禮于老子老子曰子所言者其人與骨皆
已朽矣獨其言在耳且君子得其時則駕不得其時
則蓬累而行吾聞之良賈深藏若虛君子盛德容貌
若愚去子之驕氣與多欲態色與浮志是皆無益於
子之身吾所以告子若是而已孔子去謂弟子曰鳥

老子翼卷之五

吾知其能飛魚吾知其能游獸吾知其能走走者可
以為罔游者可以為綸飛者可以為矰至龍吾不
能知其乘風雲而上天吾今日見老子其猶龍邪老
子脩道德其學以自隱無名為務居周久之見周之
衰適遂去至關關令尹喜曰子將隱矣彊為我著書
於是老子適著書上下篇言道德之意五千餘言而
去莫知其所終或曰老萊子亦楚人也著書十五篇
言道家之用與孔子同時云蓋老子百有六十餘歲
或言二百餘歲以其猶道而養壽也自孔子歿之後

百二十九年而史記周太史儋見秦獻公曰始秦與
周合而離離五百歲而復合合七十歲而霸王者出
焉或曰儋即老子或曰非也世莫知其然者老子隱
君子也老子之子名宗宗為魏將封於段于宗子注
注子宮宮玄孫假假仕於漢孝文帝而假之子解為
膠西王卬太傅因家於齊焉世之學老子者則紕儒
學儒學亦紕老子道不同不相為謀豈謂是邪李耳
無為自化清淨自正
隋薛道衡老子廟碑曰自太極權輿上元開闢舉天

老子真
卷之五

維而懸日月橫地角而戴山河一消一息之精靈上
 生下生之氣候固以則成庶類亭毒羣品有人民焉
 有君長焉至若上皇邃古夏巢冬穴靜神習智鷄居
 穀飲大禮與天地同節非折疑於俎豆大樂與天地
 同和豈考擊於鍾鼓逮乎失道後德失德後仁皇王
 有步驟之殊民俗有淳醜之變於是儒墨爭鶩名法
 並馳禮經三百不能檢其情性刑典三千未足息其
 奸宄故知潔其流者澄其源直其末者正其本源源
 本本其惟大道乎老若感星歲誕莫測受氣之由指

合

樹為姓未許吹律之本合靈在孕七十餘年生而白
 首自以老子為號其狀也三門雙柱表耳目之奇階
 五把十彰手足之異爰自伏羲至於周氏綿祀歷代
 見質變名在文王武王之時居藏史柱史之職南朝
 屢易容貌不改宣尼一睹嘆龍德之難知關尹四望
 識真人之將隱乃發揮衆妙著書二篇率性歸道以
 無為用其辭簡而要其旨深而遠飛龍成卦未足比
 其精微獲麟筆削不能方其顯晦用之治身則神清
 志靜用之治國則反朴還淳既而鍊形物表卷迹方

外蛻裳鶴駕往來紫府金漿玉酒燕衍清都參日月
 之光華與天地而終始涉其流者則攢落翳塵得其
 門者則騰躩雲霧太椿凋茂非蟬蛸之所知溟渤淺
 深豈馮夷之能測盛矣哉固無德而稱也莊周云者
 聃歿秦佚弔之三號而出是謂遐天之形雖復傲吏
 之寓言抑亦蟬蛸之微旨皇帝誕靈縱啟接統膺期
 照春陵之赤炆發芒山之紫氣珠衡日月不表冠於
 百王明鏡衢樽聖德會於千祀周道云季多難在時
 九鼎共海水同飛兩石與洛川俱斲天齊地軸之所

蛇食鯨吞銅陵玉壘之區狼顧鴟時黃延新究鄙阻
 兵禍大縱毒螫將遍函夏神謀內斷靈武外馳應擣
 搶而掃除仗旌鉞而斬伐共工既翦重立乾坤蚩尤
 就戮更調風雨宰制同造化之功生靈荷魂魄之賜
 萬方欣戴九服謳謠乃允答天人祇膺揖讓升泰壇
 而禮上帝坐明堂而朝羣后昔軒轅顓頊建國不同
 大昊少昊邦畿各異舜改堯都夏遷虞邑歷選前辟
 義存創造惜十家之產愛兆民之力經始帝居不移
 天府規模紫極仍據皇圖下宇上棟務存卑儉右平

左城聿遵制度朝夕正殿不別起于鴛鴦升降靈臺
 豈更營于鳩鵲憂勞庶績矜首倉生念茲在茲發於
 寤寐棘林肺石特降皇情祝網泣辜深存寬簡草纓
 知恥畫服興慙天無入宰之星地絕城牛之氣延閣
 廣內考集羣典石渠壁水闡揚儒業綴五禮於將壞
 正六樂於已崩總章溺志之音大師成功之頌承華
 養德作貳東朝外正萬邦內弘三善兩離炳耀重日
 聖明永固洪基克隆鼎祚重以維城磐石多藝多才
 良佐寶臣允文允武為王室之蕃屏成神化之丹青

致世俗於潤塗納烝民於壽域旄頭垂象窮髮成形
 儻儻作患其來久矣無上策以制之用下策而難服
 自我開運饗德戢兵感義懷仁稱藩請朔稽顙款塞
 匍匐投掌犇犛夜郎之所靡漠桑榆之地咸被聲教
 竝入提封闡越勾吳不行貢職夫餘肅慎無絕夷邸
 遐邇禔福文軌大同自三代之餘六雄競逐秦居闡
 位漢雜霸道魏氏則虐深華夏有晉則化成夷狄降
 斯以後粹駁不分帝迹阜風寂寥千載天命聖德會
 昌神道變億兆之視聽復三五之規模固以幽明替

協符瑞彪炳千年靈蔡著天性以效徵三足神鳥感
陽精而未質春泉如醴出自京師秋露凝甘徧於竹
葦星光若日雲氣飛煙三農應銅爵之鳴五緯叶珠
囊之度信可以揚鑿動蹕肆觀東后玉檢金繩登封
代岳而謙以自牧為而不宰尚寢馬卿之書未允梁
松之奏在青蒲之上常若乘奔處黃屋之下無忘夕
惕雖蒼璧黃琮事天事地南正火正屬神之視猶恐
祀典未弘殊宗廢禮永言仁里尚想玄極壽宮靈座
麋鹿徒倚華蓋剝壇風霜凋弊乃詔上開府儀同三

司亳州刺史武陵公元貞考其故迹營建祠堂阜上
往因歷試總斯蕃部猶漢光司隸之所魏武兗州之
地對苦相之兩城繞渦穀之三水芝田柳路北走梁
園沃野乎皋東連譙國望水置槩揆景瞻星擬玄圃
以疏基橫玉京而建宇雕楹畫栱磊砢相扶方井圓
淵參差交映尊容肅穆仙衛儼而無聲神館虛閑滴
瀝降而成響清心潔行之士存玄守一之儔四方輻
湊千里波屬知如在之敬申醮祀之禮顯仁助於王
者冥福資於黎獻允所謂天大道大難幾者矣若夫

地

名言頓絕幽泉之路莫開形器不陳妙物之功難著
騰茂實飛英聲圖丹青鏤金石不可以已而在茲乎
歲次敦并律中姑洗大隋馭天下之六載也乃詔下
臣建碑作頌其詞曰悠哉振古邈矣帝先四紀維地
八柱承天叢生類聚廣谷大川至道靈運神功自然
五精應感三微相繼樹以司牧執其象契帝迹慙皇
玉猷謝帝上德逾遠淳風漸替時乖滄泊俗異冲和
尚賢飾智懸法張羅內修尊俎外事干戈魚驚網密
鳥亂弓多真人出世星精下斗龍德在躬鶴髮垂首

解紛挫銳去薄歸厚乃前月角天長地久小茲五嶽
隘此九州逝將高蹈超然遠遊青牛已駕紫氣光浮
玄門洞啓神化潛流賴鄉舊里涓川遺迹古往今來
時移世易靈廟凋毀祠壇虛寂九井生桐雙碑碎石
維皇受命乃神乃聖響發地鍾光垂天鏡宇宙開朗
妖氛蕩定雅魄同尊參神取正流沙蟠木鳳穴龜林
異類歸款萬方宅心鴻盧納賚王會書琛青雲千呂
熏風入琴化致鼎平家興禮讓永言柱下猶慙太上
乃建清祠式圖靈狀原隰爽塏亭臯彌望梅梁桂棟

曲檻叢楹煙霞舒卷風霧淒清仙宮就位羽客來庭
穰穰簡簡降福明靈至神丕測理存繫象大音希聲
時振高響遐邇讚頌幽明資仰敬刊金石永播天壤
敬叔師仲尼仲尼謂敬叔曰吾聞老聃博古而達今
通禮樂之原明道德之歸則吾師也敬叔言於魯君
曰孔丘聖人之後將達者也受先臣之命屬臣則必
師之今孔子將適周觀先王之遺制考禮樂之所極
斯大業也君盍以車乘齊之臣請與往魯君與車一
乘二馬二豎子敬叔俱至周問禮於老聃訪樂於萇

弘歷郊社之所考明堂之則察朝廷之度觀明堂四
門之墉有堯舜桀紂之象各有善惡之狀與廢之戒
焉又有周公相成王抱之而負斧戣南面以朝諸侯
之圖嘆曰吾乃今知周公之聖與周之所以王也將
去周老子送之曰富者送人以財仁者送人以言吾
竊仁者之號送子以言凡當世之士聰明深察而近
於死者好議人之非者也博辨閑大而危其身者好
發人之惡者也爲人臣者無以有己爲人子者無以
有己自周及魯道彌尊遠方弟子之進者蓋三千焉

交作居及景日
室之山 鳴作鳴
著羽衣作衣明毛
○其譚以下文悉
異本收奉

孔子歎曰自南宮敬叔之乘吾車吾道加行不然吾道幾廢矣今禮記所引吾聞諸老聃皆是孔子問老子而得禮之要也

王子季拾遺記曰老君居景室之山與世人絕迹唯老叟五人或乘鳴鶴或著羽衣其譚天地之數所撰經書垂十萬言有浮提國獻善書二人作老乍少隱形則出影聞聲則藏形時出金壺器中有黑汁狀若淳漆酒本石皆成篆隸科斗之字記造化人倫之始老君所撰經皆寫以玉牒綴以金繩貯以玉函及金

壺汁盡二人乃欲剗心瀝血以代墨焉此乃洛州景山大室少室也所說九變長生等經有百萬篇多藏名山石室秘而未行今所出者約六千卷

關尹子尹喜仕周昭王為大夫善天文豫占東南真氣狀若龍蛇而西是月融風三扇天理西行知有聖人度關乞出為函谷關令昭王癸丑五月壬午紫氣浮空有老人駕青牛白春車諸子駿乘徐申為御將度關喜迎拜下風則老子也喜曰大道將隱強為我著書遂館終南艸樓師事之明年甲寅授道德五千

餘言包絡天地玄周造化君臣民物罔不該備尊道
德少仁義所以尊皇帝小王伯大抵以明天道明人
道正君心正民心其日以正治國以奇用兵曰偏將
軍居右上將軍居右凡數章頗類褒貶五伯之風學
者疑昭王時伯業未著或指授經為敬王時殊不知
夏商之衰昆吾大彭豷韋已自稱伯觀昭王江上不
返回不待齊楚秦晉之出而伯者之風亦已見矣此
老聖著道德所以兼功力而言也按乾象河鼓三星
主天子三軍中星大將軍左星左將軍右星右將軍

夏官上大司馬王五軍大國三軍已載之周禮及考
穆王內傳言王西還上終南修草樓則知授經為昭
王時明矣關尹亦自著書九篇名關尹子自時其徒
晉公孫辛鉞字計然學於老子敬王二年王午南遊
楚平王禮聘問道既而適越范蠡師之授蠡書十二
篇名文子有平王問道章句踐位以大夫越伐吳蠡
諫曰兵凶器戰逆德陰謀逆德好用凶器上帝禁之
行將不利引文子語也句踐不聽敗於夫椒囚石室
賂太宰嚭得歸嘗膽圖報吳既治計然曰句踐長頸

鳥喙可與其患難不可與共安樂蠡用其策從五湖
遊計然亦伴狂遊封禺之地嘗登山籌隱今吳興計
籌山是也列御寇居鄭圃四十季人無識者安王四
年著書八篇明老子之道莊周字子休號南華子顯
王二十季楚聘為相不就隱濠上漆園著書五十三
篇名莊子今存三十三篇若夫庚業楚南榮越崔瞿
柏矩士成綺尹文子之徒皆當時師事老子傳其道
各有著述載在典籍然老子遊歷商周亦已久矣其
親見猶龍如孔子者可無若人自司馬遷以老韓同

傳而老氏之門人失紀遂使孔老通家之學後世無
傳焉惜哉

老子之稱經自漢景帝始也吳闞澤對大帝曰許成
子原陽子老子莊子皆修身自玩放暢山谷縱汰其
心學歸澹泊至漢景帝以黃子老子義體尤深改子
為經始立道學勅令朝野悉諷誦焉

班固載老子鄰氏有傳傳氏徐氏劉向皆有說傳氏
三十七篇鄰氏四篇徐氏六篇劉向四篇惜乎其書
之亡久矣今世所傳老子道德經或總為上下二篇

或分八十一章或七十二

河上公分八十一章以經法天數奇故有

三十七章下經法地數偶故有四十四章嚴遵乃以陰道八陽道九以入行九故七十二章上四十一章下三十二章全

本既各異說亦不同蓋其得而攷也

與河上公不合

觀復高士謝守灝曰道德經唐傳奕者嚴衆本勘數其字云項羽妾本齊武平五年彭城人開項羽妾塚得之安丘望之本魏太和中道士寇謙之得之河上丈人本齊處士仇嶽傳之三家本有五千七百二十二字與韓非喻老相參又洛陽有官本五千六百三十五字王弼本有五千六百八十三字或五千六百

一十字河上公本有五千三百五十五字或五千五

百九十字并諸家之注多少參差然歷年既久各信

所傳或以他本相參故舛戾不一史記司馬遷云老

子著書言道德之意五千餘言但不滿六千則是五

千餘矣今道家相傳謂老子為五千文蓋舉其全數

也見老君實錄

杜光庭云五千餘言亦不確定其數文質相半義理

兼通局字數而妨文剪支勢而就數皆失其旨也司

馬遷云五千餘言則不定指五千字矣其有刪文鈞

數俯就四千九百九十九言而云析三十輯字為二十以滿五千字此又膠柱刻舟執迷不通也

杜光庭箋註六十餘家則有節解上下老君與錄喜解內解

上下尹喜以內修之首解注想爾二卷三天法師張道陵所注河上公章

句漢文帝時降詔來州河濱今有廟見存嚴君平指歸十四卷漢成帝時蜀人

名山陽王弼注字輔嗣魏尚書郎南陽何晏字平叔魏駙馬都尉河南

郭象字子玄魏晉間人頽川鍾會字士季魏明帝時人隱士孫登字和魏

文明二帝時人晉僕射太山羊祐字叔子注四卷沙門鳩摩羅什西

胡人苻堅時自玉門關入中國注二十卷沙門佛圖澄後趙時西國胡僧注上下二卷

門僧肇晉人注四卷梁隱居陶弘景武帝時人自范陽先生注四卷

盧裕後魏國子博士名白頭翁注二卷劉仁會後魏伊州梁縣人注二卷吳郡徵

士顧歡字景怡南齊博上注四卷松靈仙人隱青溪山無名氏年代晉人河

東裴楚恩注二卷秦人京兆杜弼注二卷宋人河南張憑

字長宗明帝太常博士注四卷梁武帝注道德經四卷梁簡文帝作道德述義十卷

清河張嗣注四卷不梁道士臧玄靜字道宗作疏四卷梁道

士孟安排號大孟作經義二卷梁道士孟智周號小孟注五卷梁道士

竇略注四卷與武帝羅什所宗無異陳道士諸糴作文覽不卷隋道士劉

進喜作疏六卷隋道士李播注上亦不卷唐太史令傅奕注二卷

卷之五

義作音唐魏徵作義五卷法師宗文明作義五卷胡超義疏十卷

道士安丘作指歸五卷道士王玄辯作河上公釋義十卷諫議大夫

肅明觀主尹惜作新義十五卷道士徐邈注四卷直翰林道士

何思遠作指趣二卷衡嶽道士薛季昌作金繩十卷

洪源先生王觀注二卷玄珠注三卷法師趙堅作講疏六卷太

子司議郎楊上善高宗時人作道德集注真言二十卷吏部侍郎賈至

作述義十一卷道士車若弼作疏七卷任真子李榮注上下二卷

成都道士黎元興作注義四卷太原少尹王光寂作契原注二卷

道士張惠超作志玄下疏二卷龍法師作集解四卷通義郡道士

任

太玄注十卷道士冲虛先生殿中監申甫作疏五卷岷山道

士張君桓作集解四卷道士成玄英作講疏六卷漢州刺史王

真作論兵述義上下二卷道士符少明作道譜第二卷玄宗皇帝所注

道德經上下二卷講疏六卷

河上公嚴君平皆明理國之道松靈仙人魏代孫登

梁朝陶隱居南齊顧歡皆明理身之道符堅時羅什

后趙圖澄梁武帝梁道士竇略皆明事理因果之道

梁朝道士孟智周臧玄靜陳朝道士諸糝隋朝道士

劉進喜唐朝道士成玄英蔡子晃黃玄曠李榮車玄

卷之五

弼張惠超黎元興皆明重玄之道何晏鍾會杜元凱
 王輔嗣張嗣羊祜盧氏劉仁會皆明虛極無為理家
 理國之道此明注解之人意不同也又諸家稟學立
 宗不同嚴君平以虛玄為宗顧歡以無為為宗孟智
 周臧文靜以道德為宗梁武帝以非有非無為宗孫
 登以重玄為宗宗旨之中孫氏為妙矣

廣川董道藏書志云唐玄宗既注老子始改定章句
 為道德經凡言道德者類之上卷言德者類之下卷刻
 石渦口老子廟中又云唐道士張道相集注道德經

七卷凡三十家其名存者河上公節解嚴遵王弼何
 晏郭象鍾會孫登羊祜鳩摩羅什盧景裕劉仁會顧
 歡陶弘景松靈裴處思杜弼張憑張嗣臧玄靜孟安
 期孟智周寶略宋文明褚柔劉進喜蔡于是成玄英
 車惠弼今攷之新舊唐書藝文志則又有毋丘望之
 湘逸其程韶王尚蜀才袁真釋惠嚴惠琳義盈梁曠
 樹鍾山傅奕楊上善李允愿陳嗣古任真子馮郭玄
 景先生楊上器韓杜梁武帝梁簡文帝賈大隱辟閻
 仁諤劉仲融王肅戴詵玄宗盧藏用邢南和馮朝隱

白履忠李播尹知章陸德明陳庭玉陸希聲吳善經
孫思邈李含光四十家而道相所集郭象劉仁會松
靈裴處思杜弼張嗣誠玄靜竇略宋文明褚彙劉進
喜蔡子晃車惠弼此十四家不著於志按志稱道相
集注四卷而董所收乃有七卷恐後人之所增也我
朝崇寧中再校定道藏經典此書藏中已不復見其
餘諸家僅存玄宗河上公嚴遵陸希聲四注及傳奕
所傳古本道德經耳外李約李榮賈清吏各有注說
王顧等奉玄宗命撰所注經疏杜光庭又從而為廣

聖義亦皆唐人並見藏室始知志所著錄猶有未盡
惜乎名存而書亡者十蓋八九也

樂臣公學黃帝老子其本師號曰河上丈人不知其
所出河上丈人教安期生安期生教毛翁公毛翁公
教樂瑕公樂瑕公教樂臣公樂臣公教蓋公蓋公教
於齊高密膠西為曹相國師見史記樂毅傳

漢桓譚曰魯老聃著虛無之言兩篇後世好之者以
為過於五經自漢文景之君及司馬遷皆有是言揚
傳

嚴君平卜筮成都市人有邪惡非正之問則依著龜
為言利害與人子言依於孝與人弟言依於順與人
臣言依於忠各因勢道之以善裁日閱數人得百錢
足自養則閉肆下簾而授老子博覽亡不通依老子
嚴周之旨著書十餘萬言

阮籍著通老論曰道者法自然而為化侯王能守之
萬物將自化易謂之大極春秋謂之元老子謂之道

見太平御覽

王輔嗣山陽高平人少而察慧十餘歲便好莊老通

辨能言何平叔注老子始成詣王見王注精奇迺神

伏曰若斯人可與論天人之際矣因以所注為道德

二論魏氏春秋曰弼論道約美不如易自然出技過之太原王濟好言老莊嘗云見弼易注所悟者多

殷仲堪有思理能清言嘗云二百不讀道德經便覺

舌本間強見世說

庾子嵩恢廓有度量自謂是老莊之徒曰昔未讀此

書意嘗謂至理如此今見之正與人意暗同見晉書

阮宣子好老易能言理不吝見俗人時誤相逢即舍

去傲然無營家無僭石之儲名士晏如也

周彥倫善言名理每賓客會集周虛席晤語詞韻如

流聽者忘倦尤善老易與張思光遇輒以玄言相滯

彌日不解

阮瞻咸之子也見司徒王戎戎問曰聖人貴名教老

莊明自然其旨同異瞻曰將無同戎咨嗟良久即命

壁之謂之三語椽見晉書本傳

宗測少靜退不樂人間豫章王嶷徵為參軍答云何

為謬傷海鳥橫斤山木欲遊名山迺掛其祖所畫向

啓

子平圖於壁上齋老莊二書自隨子孫拜辭悲泣測
長肅不顧

仲長子光字不曜往來河東備力自給無室廬絕妻

子開皇末始庵河渚間以息身焉賣藥為業人莫之

知也汾陰生遊河渚一見而伏曰東方朔管輅不如

也由是顯重守令來謁辭以瘖疾未嘗交語著獨遊

頌河渚先生傳以自寓識者知其縣解人也有請道

者書老易二字示之彈琴餌藥以終其世

王績嗜酒不在事有奴婢數人種黍春秋釀酒養息

頤一作頤

雁蕪藥草自供以周易老子莊子置牀頭他書罕讀也游北山東泉著書自號東泉子

王希夷隱嵩山師黃頤學養生喜讀周易老子餌松柏葉雜花年七十餘筋力不衰刺史盧齊卿就謁問政答曰已所不欲勿施於人此言足矣

貞一先生司馬承禎字子微廬天台不出睿宗命其兄承禕就起之既至引入中掖廷問其術對曰為道日損損之又損以至於無為夫心自所知見每損之尚不能已况攻異端而增智慮哉帝曰治身則爾治

國若何對曰國猶身也故游心於淡合氣於漠與物

自然而無私焉而天下治帝嗟嘆曰廣成之言也開

元中再名至都玄宗詔於玉屋山置壇室以居善篆

隸帝命以三體寫老子判定文句見新唐書隱逸傳善書本傳云玄宗

令以三體寫老子經因刊正文句定著五千二百八十言為真本以奏上之

盧鴻一字顯然隱於嵩山開元六年徵至東都謁見

不拜宰相遣通事人問其故奏曰臣聞老君言禮者

忠信之薄不足可依山臣鴻一敢以忠信奉見見舊唐書

隱流傳

宗元先生吳筠曾中之儒士也入嵩山為道士久之遊天合玄宗遣使徵之既至問以道法對曰道法之

精無如五千言其諸枝詞蔓說徒費紙劄耳見舊唐書隱逸

傳新書本傳云帝嘗問道對曰深於道者無如老子五千文其餘徒費紙劄耳後問神仙治煉曰此野人事積歲月求之非人主監雷意與舊唐書少異故併錄之

秦系會稽人天寶末避亂剡溪客泉州南安有太松百餘系結廬其上穴石為硯註老子彌牟不出人號其所居為高士峰

唐憲宗顧宰臣曰神仙之事信乎李藩對曰神仙之

說出於道家道家所宗老子五千文為本老子指歸

與經無異彼代好怪之流假託老子神仙之說故秦

始皇漢武帝二主受惑卒無所得上深然之見舊唐書憲宗紀

唐相陸希聲著道德經傳四卷其序略云夫老氏之術道以為體名以為用無為無不為而格於皇極者也揚朱宗老氏之體失於不及以至於貴身賤物莊周述老氏之用失於太過故欲絕聖弃智申韓失老氏之名而弊於苛繳刻急王何失老氏之道而流於

正一作易

虛無放誕此六子者皆老氏之罪人也乃為述傳以暢宗旨又云昔伏羲氏畫八卦象萬物窮性命之理順道德之和老氏先天地本陰陽推性命之極原道德之奧此與伏羲同其原也文王觀太易九六之動貴剛尚變而要之以甲老氏察太易七八之正致柔守靜而統之以天此與文王通其宗也孔子祖述堯舜憲章文武導斯民以仁義之教老氏擬議伏羲彌綸黃帝冒天下以道德之化此與孔子合其權也此三君子者聖人之極也老氏皆變而通之反而合之

研至變之機探至精之歸斯可謂至神者矣

唐兵部郎李約勉之子也注道德經四卷其說謂世傳此書為神仙虛無言又說太史遷先黃老而後六經之失此流俗之言也以我觀之六經乃黃老之枝葉爾

開元初詔中書令張說舉能治易老莊者集賢直學士侯行果薦會稽康子元及平陽敬會真於說說籍以闡並得侍讀俄並兼集賢侍講學士始行果會真及長樂馮朝隱同進講能推索老莊秘義會真亦善

老子每啓篇先熏盥乃讀

見新唐書 儒學傳

李衛公德裕諫敬宗搜訪道士疏曰臣聞道之高者莫若廣成玄元人之聖者莫若軒皇孔子管軒皇問廣成子理身之要廣成子云無視無聽抱神以靜形將自正神將自清無勞子形無搖子精乃可長生又云得吾道者上為皇下為王玄元謂孔子云去子之驕氣與多慾態色與淫志是皆無益于子之身吾所告子若是已故軒皇發謂天之電孔子與猶龍之感前聖於道不其至乎若使廣成玄元混迹而至諸陸

使

下之道以臣度見李文無出於此饒集

見李文 饒集

香山白文公居易曰夫欲使人情儉樸時俗清和莫先於體養老之道也其道在乎尚寬簡務儉素不眩聰察不役智能而已蓋善用之者雖一邑一郡一國至于天下皆可以致清靜之理焉管宓賤得之故不下堂而單父之人化汲黯得之故不出閭而東海之政成曹參得之故獄市勿擾齊國大和漢文得之故刑罰不用而天下大理其故無他清靜之所致耳見氏長慶集

張薦明少以儒學遊河朔後去為道士通老子莊周之說晉高祖名見問道家可以治國乎對曰道也者妙萬物而為言得其極者尸居衽席之間可以治天下高祖大其言延入內殿講道德經拜以為師賜號通玄先生後不知所終見五代史

太祖征太原駐蹕鎮陽聞道士蘇澄隱五代之際屢聘不至名見於行宮澄隱時年八十大祖問以養生對曰臣養生不過精思鍊氣爾帝王則異於是老子曰我無為而民自化我無欲而民自樸無為無欲疑

神泰和昔黃帝唐堯享國永季得此道也太祖說其

見東都事略隱逸傳及高道傳

宋太宗語近臣曰朕讀老子至進兵者不祥之器聖人不得已而用之未嘗不三復以為規戒

鴻蒙子張無夢字靈隱好清虛窮老易入華山與劉海蟾種放結方外友事陳希夷先生無夢多得微旨久之入天台山真宗名對問以長久之策無夢曰臣野人也山中嘗誦老子周易而已不知其他除著作佐郎固辭還山賜金帛處士號並不受見高道傳

了齋陳忠肅公權嘗著書二十餘篇曰昭語其序略云玉清昭應宮使王曾請校三館道經上各因言其書不如老氏五千言清靜而簡約張知白曰陛下留意於此乃治國無為之術見了齋集田諫議錫尺木贊序曰龍之興也階於木也君之起也人為階也抑有無任之聖韜光之賢以名迹相參以材能相濟如丘明之才乃仲尼之尺木乎故能發揮春秋以垂聲教也尹喜之賢乃老聃之尺木乎故能詢謀道德以貽後世也見成平集

陳忠肅公曰老子言天下神器不可為也為者敗之又言治大國若烹小鮮夫烹魚者無所事於煩之也制水火之齊以熟之而已舜無為而治其不以此歟又曰武帝黜黃老而用儒術未嘗不本於仁義而觀其實效則亦異於始皇者幾希當此之時天下不一日而無事思慕文景不可復得然則黃老亦何負於天下哉又曰疏廣謂受曰知足不辱知止不殆宦成名立而不去懼有後悔於是父子相隨移病而歸當時賢之後世追誦然其知止之意發於老氏見了齋集

卷之五

五

歐陽文忠公脩曰前後之相隨長短之相形推而廣之萬物之理皆然也然老子為書其言雖若虛無而於治人之術至矣又曰道家者流本清虛去健羨泊然自守故曰我無為而民自化我好靜而民自正雖聖人南面之治不可易也見本集

延平先生羅從彥仲素曰老子之書孔子未嘗與亦未嘗毀蓋以謂譽之則後世之士溺其和光同塵之說而流入於不羈毀之則清靜為天下正之論其可毀乎既不譽又不毀其可譽不毀言故止謂竊比於我

老彭見羅元生語錄

或問龜山楊文靖公時曰說者謂老彭乃老氏與彭錢非謂彭之壽而謂之老彭也然老氏之書果述而不作信而好古乎答曰老氏以自然為宗謂之不作可也見龜山集

龜山曰私意去盡然後可以應世老子曰公乃王見語錄

榮陽呂公希哲嘗太書治人事天莫若嗇於前坐壁上云修養家以此為養生要術然事事保謹常令有

奉詔

餘持身保家安邦之道不越於此不止養生也呂氏雜錄
東坡蘇文忠公軾奏詔撰上清儲祥宮碑臣謹按
道家者流本出於黃帝老子其道以清靜無為為宗
以虛明應物為用以慈儉不爭為行合於易何思何
慮論語仁者靜壽之說自秦漢以來始用方士言乃
有飛仙變化之術黃庭木洞之法太上天真木公金
母之號天皇太乙紫微北極之祀下至於丹藥奇技
符籙小數皆歸於道家嘗竊論之黃帝老子之道本
也方士之言末也又蓋公堂記云曹參為齊相聞膠

西蓋公善治黃老言使入請之用其言而齊大治其
後以其所以治齊者治天下天下至今稱賢焉吾為
膠西守知公之為邦人也求其墳墓子孫而不可得
慨然懷之師其言想見其為人夫曹參為漢宗臣而
蓋公為之師可謂盛矣而史不記其所終豈非古之
至人得道而不死者歟見和集
蘇子由自題老子解後云子年四十有二謫居筠州
筠雖小州而多古禪刹四方遊僧聚焉有道全者往
黃檗山南公之孫也行高而心通喜從子遊嘗與子

談道予告之曰子所談者予于儒書已得之矣全曰
此佛法也儒者何自得之予曰不然予亦聞道儒者
之所無何苦強以誣之顧誠有之而世莫知耳儒佛
之不相通如胡漢之不相諳也子亦何由而知之全
曰試爲我言其略子曰孔子之孫子思子思之書曰
中庸中庸之言曰喜怒哀樂未發謂之中發而皆中
節謂之和中也者天下之大本和也者天下之達道
也致中和天地位焉萬物育焉此非佛法而何顧所
從信之異耳全曰何以言之予曰六祖有言不思善

不思惡方是時也孰是汝本來面自自六祖以來人
以此信悟入者大半矣所謂不思善不思惡則喜怒哀
樂之未發也蓋中者佛性之異名而和者六度萬
行之總自也致中極和而天地萬物生於其間此非
佛法何以當之全驚喜曰吾初不知也今而後始知
儒佛一法也予笑曰不然天下固無二道而所以治
人則異君臣父子之間非禮法則亂知禮法而不知
道則世之俗儒不足貴也居山林本食澗飲而心存
至道雖爲入天師可也而以之治世則亂古之聖人

卷之五

終

中心行道而不毀法而後可耳全作禮曰此至論也
是時子方解老子每出一章輒以示全全輒嘆曰皆
佛說也子居筠五年而北歸全不友亦化去逮今二
十餘年也凡老子解亦時有所刊定未有不與佛法
合者時人無可與語思復見全而示之故書之老子
之末大觀二年十二月十日子由題又曰子答南遷
海康與子瞻兄邂逅于藤州相從十餘日語及平生
舊學子瞻謂予子所作詩傳春秋傳古史三書皆古
人所未至惟解老子差若不及予至海康閒居無事

凡所爲書多所更定乃再錄老子書以寄子瞻自是
蒙恩歸北子瞻至毗陵得疾不起逮今十餘年竟不
知此書于子瞻爲可否也政和元年冬得姪邁等所
編先公手澤其一曰昨由子由寄老子新解讀之不
盡卷廢卷而嘆使戰國有此書則無商鞅韓非使漢
初有此書則孔老爲一使晉宋間有此書則佛老不
爲二不意老年見此奇特然後知此書當子瞻意然
予自居潁川十年之間於此四書復多所刪改以爲
聖人之言非一讀所能了故每有所得不敢以前說

為定今日以蓋老自以為足矣欲復質之子瞻而不
 可得言及於此涕泗而已十二月十一子由再題
 眉山蘇籀頽濱文定公之孫也記其遺言曰公為籀
 講老子數篇曰高於孟子二十等矣又曰言至道無
 如五千文又曰公老年作詩云近存八十一章注從
 道老聃門下人蓋老而所造益妙錄錄者莫測矣
 言

呂吉甫作道德經傳成以元豐元年表進於朝曰臣
 惠卽言臣聞庖丁奏刀得養生於文惠輪扁釋鑿議

讀書於齊桓志之不分道或有在臣誠惶誠懼頓首
 頓首臣竊以太制散於智慧之偽含生失其性情之
 初爰有真人起明至教獨推原於道德蓋祖述於典
 墳是以雞犬相聞莊周指謂神農而上谷神不列
 子稱為黃帝之書究其微言中有妙物唯恍唯惚視
 聽莫得以見聞不古不今迎隨孰知其首尾失之其
 出彌遠至寶秘於荆山而莫知悟之不名自來玄珠
 索之象罔而可得軒轅華胥之國唐堯姑射之山皆
 極至遊遂臻泰定此書之指其詣不殊曹叅師於蓋

公而相齊國孝文傳之河上而為漢宗僅得淺膚猶
幾康阜夫唯俗學不識道真徒見其文有異詩書之
迹莫知其指乃是皇王之宗故聞不尚賢則謂遺之
野而不收不貴貨則謂弃諸地而不用謂絕學則無
憂等於禽犢謂絕聖則無法等於鴻荒不知靈府之
間有若清眸之上雖留金屑亦駭神光故念善惡之
兩遺而極冲虛之一致茲難情度宜使智迷遂以允
聖之信言列於百家之珍說發茲微學空屬至神伏
惟皇帝陛下以高真之質而出應君師以妙本之餘

而形為事業蠱飭而庶政交舉革當而四方已孚方
將齊心服形而捐治物養之累深根固蒂以趣長
生久視之門同天下於華胥見神人於姑射深造其
極適丁斯時臣性維顛蒙生足憂患每思朝徹以解
天攷汎觀以考其散殊又損而期於脗合維旧不足
歷年於茲晚於斯文忽若有得即動而靜物芸芸而
歸根由濁以清中冥冥而見曉遂以其意達之於辭
雖云自安未知其可竊謂至人之靜鑑實為學者之
元龜敢用臆聞以占中否龍隨章散固難知其上天

馬以智專因可收於辨道倘有一言之補敢辭萬死
之誅所著老子道德經傳凡計四冊謹奉表投進以
聞臣惠卿誠惶誠懼頓首頓首謹言元豐元年正月
日資政殿學士通議大夫定州路安撫使馬步軍都
總管兼知定州軍州事及管內勸農使上輕車都尉
東平縣開國伯食邑八百戶臣呂惠卿上表
按李延
平先生
遺書云呂吉甫讀莊子至參萬歲而一成純
遂大悟性命之理故其老莊二解獨冠諸家
陸陶山農師曰自秦以來性命之學不講於世而道
德之裂久矣世之學者不幸蔽於不該不徧一曲之

書而日汨於傳注之卑以自失其性命之情不復知
天地之大醇古人之大體也予深悲之以爲道德者
關尹之所以誠心而問老子之所以誠意而言精微
之義要妙之理多有之而可以啓學之蔽使之復性
命之情不幸亂於傳注之卑千有餘年尚昧故爲作
傳以發其既昧之意雖然聖人之在下多矣其著書
以道德之意非獨老子也蓋約而爲老子詳而爲列
子又其詳爲莊子故予之解述列莊之詳合而論之
庶幾不失道德之意見經注

眉山唐庚子西曰世疑老子西遊以謂有慈有儉有不為天下先持是道以遊於世何所不容而猶有所去就邪是大不然惟其無往而不容則雖蠻貊之邦行矣此所以為老氏見眉山集

淮海秦觀曰班固贊司馬遷以為是非頗謬於聖人論大道則先黃老而後六經孰謂遷之高才博洽而至於是以臣觀之不然彼實有見而發耳孟子曰仁者人也合而言之道也揚子亦曰道以導之德以得之仁以人之義以空之禮以體之天也合則渾離

則散蓋道德者仁義禮之大全而仁義者道德之工偏黃老之學貴合而賤離故以道為本六經之教於渾者略於散者詳故以仁義禮為用遷之論大道也先黃老而後六經豈非有見於此而發哉又曰史稱崔浩自比張良謂稽古過之以臣觀之浩曾不及荀賈何敢望子房乎夫以其精治身以緒餘治天下功成事遂奉身而退道家之流也觀天文察時變以輔人事明於末而不知本陰陽家之流也子房始遊下邳受書於圯上老人終曰願棄人間事從赤松遊則

卷之五

三十一

其術蓋出於道家也。浩精於術數之學，其言熒惑之入秦，彗星之滅晉，與夫兔出後宮，姚興獻女之事，尤異。及黜莊老，乃以為矯誣之言，則其術蓋出於陰陽而已。此其所以不同也。見淮南海集

鼂文元公迴曰：古今名賢多好讀老莊之書，以其無為無事之中，有至美至樂之理也。又曰：老子曰：五色令人目盲，五音令人耳聾，五味令人口爽。雖聖人矯激太過，而善利之心極於深切，人能不耽耳目之娛，不縱口腹之美，勿問有得決定無矣。並見昭德新編

又曰：老子曰：知常曰明，處世之人止知晝夜是常，而人如故，出世之人以生歿為晝夜，又知生歿是常，而性如故，是以明心坦然，視生歿而無怖。見華智餘書 盱江李泰伯曰：韓退之有言：老者曰孔子，吾師之弟子也；佛者曰孔子，吾師之弟子也。為孔子者，習聞其說樂其誕，而自小也。亦曰：吾師亦嘗云爾。佛之說吾不能詳，曾子問老子列傳則有問禮之事，史未之盡。信禮記經之屬也，亦有妄乎。見退居類藁 嵩山景迂生鼂說之曰：伏羲文王周公贊易之後，

老氏得易之變通屈伸知柔而貴虛務應可不得以
勤以立言幸乎此書之存也又曰王弼注老子道德
經二篇真得老子之學歟蓋嚴君平指歸之流也
言仁義與禮不能自用必待道以用之天地萬物各
得其一豈特有功於老子哉凡百學者蓋不可不知
乎此也又曰弼知佳兵者不祥之器至於戰勝以喪
禮處之非老子之言乃不知常善救人故無棄人常
善救物故無弃物獨得諸河上公而古本無有也賴
傳奕能辨之爾見本集

虛子陳景元師事張鴻濛嘗著道德經藏室纂微
蓋采摭古諸家注疏之精微而參以師傅之秘集
而成書熙寧中因召見進呈御筆獎諭又有所注南
華經章句音義凡二十餘卷今並入藏見碧虛子傳并纂微篇序
道藏
目錄
谿堂謝逸壽亭記曰孔子所謂仁者壽老子所謂歿
而不亡者壽釋氏所謂無量壽三聖人者其言雖異
其意則同蓋仁者盡性盡性則歿而不亡歿而不亡
則其壽豈有量哉彼徒見髮毛爪齒歸於地涕唾津

液歸於水暖氣歸火動轉歸風而以為其人真歟矣
然不知湛然常存未嘗歿也 見谿
堂集

道鄉鄒忠公浩曰玄牝之門取諸吾身則鼻也鼻者
息之所由以出入綿綿若存用之不動則其息深矣
孫叔敖鼻間栩栩然是已莊子曰真人之息以踵衆
人之息以喉屈服者其隘言若哇其啞慾深者其天
機淺素問曰非出入則無以生長壯老已非升降則
無以生長收藏升降出入無器不有四者之有而
貴常守知此然後知谷神之所以不死又曰虛其心

則腹自實弱其志則骨自強 並見道
鄉集

邵伯温曰康節先公以老子為知易之體以孟子為
知易之用論文中子謂佛為西方之聖人不以為通

見邵氏
聞見錄

西塘鄭俠曰俠聞之老子曰知足不辱知止不殆易
曰亢之為言也知進而不知退知存而不知亡知得
而不知喪知進退存亡而不失其正者其唯聖人乎
然則進退存亡得喪之理其不一致乎何其知退知
亡知足知止之難而聖人丁寧讚歎之深乎曰得喪

士

一也進退有道則進不易而退不難存亡無兩致存
不喜而亡不憂進退存亡一歸於道可定而止可行
則行孰不一致哉又曰上士聞道勤而行之中士聞
道若存若亡下士聞道大笑之不笑不足以爲道又
曰惟道大故似不肖若肖久矣其細也夫如是者以
所養者小故也俗之所養無非小故以大道爲不肖
是皆未足與語夫道又曰道大而廣矣人之營營而
卒乎小者累于物也元者善之長而至於大之謂也
至而不知其爲大則同於道而與世俗者相似故天

下皆謂我道大似不肖蓋衆方昭昭察察而錐競我
獨悶悶以天下爲不足爲者宜乎其不稱似故能成
其大大而有之其去世俗不能以寸矣故卒之不肖
下士聞之笑而後庶幾夫道不笑則不足以爲道也
又曰水善利萬物又不爭處衆人之所惡故幾於道
然則汨之隨變則臭腐濁穢不可以濯足亦其自取
不幾於惡乎思復性者以是爲鑒知夫清且明者自
我性而濁且亂者亦自我之有以來之也去其汨且
惑者而清明在躬然後湯波涵泥與之偕而莫吾能

老子真義 卷之五 三十五

化也以其莫吾能化彼將寢寢以明潔而莫之知予
力焉又曰水之性清以其出於土也而土汨之是以
如其濁也徐而清之可以鑒毛髮人之識明以其
出於物也而物惑之是以如其亂也徐而明之可
以燭日月夫蠟也清汨之則濁濁而徐之復清蠟也
明惑之則亂亂而徐之復明也是濁且亂者常自外
加我而清且明者在我而已經曰天地相合以降甘
露人莫之令而自均夫雨露之在天地細故也而猶
平均如是況於人之靈識乎又曰三代而上無有孔

孟老莊釋氏之教遇帝而帝遇王而王而衰周以降
乃有三氏之教其實憂世之溺而致所以濟之者云
耳又嘗自作大慶居士序曰居士本儒學以孔氏為
宗得老氏之說以明並見西塘集
葉夢得曰刪書斷自堯舜而易獨及伏羲神農黃帝
然後知堯而止蓋有其人六經存而不論嘗試會之
以心則其說曰易無思也無為也寂然不動感而遂
通天下之故非天下之至神孰能與於此然後知伏
羲神農黃帝至於堯舜世而相傳者皆不出乎易退

而質諸老氏則與易異者無幾又曰論語記竊比於我老彭後孔子者孟子孟子之於儒蓋秋毫不以少亂也其拒楊墨排儀秦過於桀紂終不及老氏乃其言盡心知性以至於命則老氏之所深致意也然後知老氏之書孔孟所未嘗廢又曰老氏之書其與孔子異者皆矯世之辭而所同者皆合於易後老氏數百年復有佛氏者出其辭益荒遠深妙而要其至到與老氏殆相為表裏並見經注葉夢得曰老氏論氣欲專氣致柔如嬰兒孟子論氣

以至大至剛直養而無害充塞乎天地之間二者正相反從老氏則廢孟子從孟子則廢老氏以吾觀之一說正不相反人氣散之則與物敵而剛專之則反於已而柔剛不可以勝剛勝剛者必以柔則專氣者乃所以為直也直養而無害於外則不惟持其志毋暴其氣當如曾子之守約約之至積而反於微則直養者乃所以為柔也蓋知道之至者本自無二見石下林巖董思靖云老子之道以清淨無為自然為宗以虛明

應物不滯爲用以慈儉謙下不爭爲行以無欲無事
不先天以開人爲治其於治身治人也至矣如用之
則太古之治可復也以其所值之時俗尚文勝淳朴
之風無復存者而老子抱純素之道與時偕極必待
感而後應故不得位以推是於天下蓋知夫時數之
有所忤也然終不能翹然道之無傳是以有教無類
而且睠睠於西方之異俗則其憫當時慮後世之心
何如哉猶幸斯文不墜故西關何駕東魯見龍而書
與言之尚存也河上丈人黃石公樂臣公蓋公之徒

蓋能究其旨而體之歟厥用於一身則在我之天下
已義皇矣及其道之有所授則孝文以之爲君子房
以之佐漢曹參以之相齊果能通一脉於苛秦之後
吁亦一驗也然使又有進於是如其人義皇之則義
皇矣或者見是書詞意含洪寬大而不知致察於虛
極靜篤之時存乎體之至嚴至密者以爲庶政庶事
之本乃徒務爲悶悶若昏之量而習弊反墮於優游
姑息遂有清虛不及用之譏故不經而子視之嗚呼
惜哉或謂微言隱訣多寓其間以故首章有無在二

元神氣水火也虛心實腹則鍊鉛之旨用兵善戰則采鉛之方沛字從水從甲乃喻氣中真一之水三十輻共一轂為取五藏各有六氣之象及準一月火符之數如斯等義今皆略之何則性由自悟術假師傅使其果寓微旨亦必已成之士口授纖悉然後無惑區區紙上烏足明哉況是經標道德之宗暢無為之旨高超象外妙入環中遽容以他說小數雜之乎白樂天云元元皇帝五千言不言藥不言仙不言白日升青天亦確論也 正月望 言卿校

老子翼卷之六

附錄

北海焦

秣陵王元貞孟起校

竝弱侯輯

衰

邵若愚號本來子紹興中作老子解序其首曰據史記老子為守藏室之史周襄遂去關令尹喜曰子將隱矣強為我著書於是著書上下篇言道德之意五千餘言而去莫知其終緣史有上下篇且之文後人因之上卷說道下卷說德今以理考道德混說無分上下此流俗之言今除去又不知何人不審正文

前後本意分爲八十一章惟務其萃圖象陽數此皆戲論無益於人今亦除去此書箋注者多雖能於理則不中雖辯於事則無法只如注玄牝爲口鼻是不中理也成之徒爲涅槃是不中事也如是胸懷臆註語言散失者不欲備舉由其未至於道也孔子志於道緣道無形故據於德以德爲基本本立而道生以其漸也豈可殫德而不進道此所謂過其門而不入其室也又多以術爲道者認穢汁爲精以鈍濁爲樸遲速爲性拱手不動爲無爲不食滋味爲恬淡儻來

適去爲自然伏羲獨寢爲清靜如此之徒不可與言至道如抱朴子第八卷云五千文雖出老子然皆沈論較略耳其中了不肯首尾全舉其事有何按據者也蓋六人多言房中黃白之術執有爲爲事將好利活心測度無爲之道是故不知首尾又況不及此子者乎又直以輕炁者爲上士修道德者其次夫舉身隱形變化物象在禁爲妖孔子不語怪力亂神以其無益也老子所著長生久視務在進道而不專取且神仙之人居止三山不離於地跨鸞朝帝亦不離天

居天地之間兀兀然壽千萬歲暫時易短為長報盡還復於六若不進道何異大椿耳此非論說是非恐殫神仙之術不進於道也

嚴谷山人江表曰夫道宥然難言哉謂之道者蓋假以名道而實非道也五經之所言言其略老聃列禦寇莊周之所言言其詳詳略雖殊皆有以明道之本道又曰或問老子著書有道德篇當時所述歟後人詮次歟余曰此不得而知也余答於藏書家見古文老子其言與今所傳大同而小異考其義一也唯次

共

序先後與今篇章不倫亦頗疑後人析之也曰道無所不該而五千文所紀者可道之道耳又離而為德志無是義余曰道德實同而名異曰道曰德亦何所不可也曰惡有是言哉吾嘗讀五經諸子凡言道德皆有大小後先之辨不可槩舉可攷而知也余曰莊周言一曲之士判天地之美析萬物之理本於道德之不一重嘆後之學者為不幸子亦欲蹈之乎曰願聞其言曰聞之無乎不在之謂道自其所得之謂德道者人之所其由德者人之所自得也試以水為喻

夫淵海之涵浸與均堂之所畜固不同也其為水有異乎江河之傾注與溝澮之湍激固不同也其為水有異乎水猶道也無乎不之而湖海均堂江河溝澮自其所得如是也謂之實同名異詎不信然學者之於道會之以心視之以神斟酌飽滿使自足則德成而有立進德者至於德兼於道則同於初矣由是觀之道非有餘於德也道散而德彰德非不足於道也德成而道隱故聖人則備道全美君子則明道全德茲所以為異也曰道妙無形德審有所觀乎曰道無

方體德有成虧有成虧者昭昭於心目之間豈無所觀耶合乎道則無德之可名別於德則有名之可辨故曰道無常名德有定體老子之出當道術之變其立言皆以明至當之歸言雖不一如首有尾稽其至也何彼此之辨問德又曰生於心者不窮是以命於身者無已歿而復生生而復歿始終之端如循環無窮老氏言出生入死生之徒十有三歿之徒十有三動之歿地十有三三三而九自十言受則出乎生歿者一而已一者謂何意復命之人乎士之志於道者能

卷之六

耶

修身以俟之直而推之曲而在之庶幾乎可以語此
命又曰或問老聃列禦寇莊周孟軻皆古之得道者
也其立言各欲取信後世何自相詆忤如此耶曰吾
有大患為吾有身禦寇曰內觀者取信於身周曰吾
身非吾有軻則曰萬物皆備於我反身而誠樂莫大
焉或厭其身之為患而非其有或貴其身之皆備而
取之足豈不詆忤邪余曰子未之思也子得其言而
未得其所以言且四肢百骸五臟六腑該而存焉者
謂之身視聽言貌思性所有也亦謂之身身之名則

一而所以為身者殊有所謂體有所謂性老聃莊周
蓋即體而言之者禦寇孟軻蓋即性而言之者即體
言之則四肢百骸五臟六腑有之則有患無之則無
患故不可使之有也而所謂無者非亡夫而身之謂
凡動作語嘿不見而已即性言之則視聽言貌思一
理所該萬物皆備苟內觀焉可以取足高之於天界
之於地俯仰洞鑒孰有不備於我者乎孰有不足於
身者乎以是言之老聃莊周之言身不得不使之無
列禦寇孟軻之言身不得不使之觀軻又曰或問何

者為息余曰循陰陽以左右隨子午以消長者是也
其運如未嘗止之輪其旋如不可盡之環與元氣交
通晝夜不息老子列禦寇所謂沖氣者也子知所以
生息則知所以養氣知所以養氣則知所以入道知
所以入道則抱一禪定固無殊致也老子曰綿綿若
存用之不勤子歸而求之斯有得也息問又曰莊周言
養形之士吹呶呼吸此特其淺淺者爾形神俱妙蓋
本於襲氣母老子曰玄牝之門是為天地根不歿之
道本於是乎氣問又曰孔子曰毋意毋我老子曰及吾

無身吾有何患瞿曇曰無眼耳鼻舌身意人之有生
形色外具心意內知必使之無者何哉蓋無者萬善
之所歸萬法之所宗人能外息諸緣冥心於無則與
道俱矣其歸一致若所謂坐忘息氣面壁果殊途哉
袁字仲長三衢人嚴谷山人則其自號也養玄丘園
以經術教諸生紹興間大臣薦於朝召對竟力辭還
里士論高之並見嚴
光廟在潛邸程文簡公大昌時為宮僚嘗索其所著
易老通言大昌以劄子繳納其略曰夫老子之可重

者何也秉執樞要而能以道御物是其長也貴無賤
有而罕言世故者亦非其或短於此也故師老子而
得者為漢文帝蓋其為治大抵清心寡欲而淵默朴
厚以涵養天下其非不事事之謂也則漢以大治而
基業綿固者得其要用其長故也至於西晉則聞其
言常以無為為治本而不知無為者如何其無為也
意謂解縱法度拱手無營可以坐治無何紀綱大壞
而天下因以大亂故王通論之曰清虛長而晉室亂
非老子之罪也蓋不得其要而昧其所長也區區之

意深望殿下采其秉要之理而以西漢為法鑒其談
治之略而以西晉不事事為戒則老子之精言妙道
皆在殿下運用之中矣又嘗著潛藩盛德錄內一篇
曰某舊得侍談凡及大道常取易繫道器與孔子下
學上達之語而參言蓋道器學達可從上下立為形
容正如燒火薪能生焰是上形之道必資下形之器
學乎下可以達乎上是薪雖麤實而其莖華能炎能
上者也六經論孟說器多而說道少是蓋薪以求生
焰者也老莊之書說無多於說有是謂六經說薪已

多不必贅言者也儒者之於求道自有六經宜若無
藉於老莊矣然老莊之書言微趣深助發道秘尤為
精要苟能博取當大有補特不可如晉人談虛直謂
奔捐禮樂刑政而天下可以自治焉耳天下嘗有無
薪而能自起火焰者邪又曰今道士修老子教者舍
道本不言而及方藥祈禳等事其譌失本意又益太
遠惟唐人白居易詩語能明其確曰何況元元皇帝
道德五千言不言藥不言仙不言白日升青天元元
皇帝即老子也道家以老子為教祖而八十一章自

清淨寡欲之外別無一語他及如何鑿空妄云有藥
有仙及祈禳勝厭等事邪恭蒙聖諭以某言為是且
明誦白詩上語全文益深嘉居易之談老子能得要
妙也並見本集
永嘉鄭伯熊景望曰蓋公治黃老曹相國參用於齊
而稱治儒家多訾黃老言何哉吾嘗杜門終日默坐
謹動作薄滋味而心和氣平百病不侵節以備其無
推以散其有不妄求不過憂而老者穉者安於恬淡
吾意此理推之天下有餘地何獨數百里之齊孔孟

卷之六

之術豈有外是者而言黃老言何哉蓋今道家所談
清淨者捨此而趨誕也見鄭先生驚語

薛蕙君采作老子集解成高叔嗣序之曰毫老子所
產也初老子著書言天道玄虛自漢以下莫能測其
本旨咸窺見一偏說繇此起故其書曰離州人薛考
功先生始覃思大道之原究意天人之一折衷羣言
合於築度老子之道則燦然大明書成嘉靖九年歲
在庚寅之次序曰大道之歸一致而百慮聖人之旨
同情而異言昔仲尼之門罕言天道是以後世無得

聞焉然周易乾以配象六龍始於勿用終於窮亢不
以吉凶告人用九見羣龍無首則吉而仲尼贊之曰
用九天德不可為首也乾无九乃見天則蓋剛而
能柔天之道也此與老子何異故稱吾見老子其猶
龍乎夫學者獨患不知天人之二不知天人之二則
其議聖人者陋矣自古言仁義禮樂有過於老子者
乎然而非不知天也言陰陽剛柔有過於孔子者乎
然而非不知人也顧聖人示人有不同其所言者學
者之所信也所不言者學者之所疑也故世之學老

子者則繼儒學儒學亦繼老子夫知人而不知天者
 近乎愚知天而不知人者近乎誣奈何以此議聖人
 也或曰老子養生之書夫聖人之道內之以養其身
 則壽而康外之以理乎物則順而治聖王之事同條
 其貫豈有他哉作者既皆已沒景響仆絕所謂其人
 與骨皆已朽者神而明之存乎其人薛氏老子集解
 二卷藏於家予錄其副馬又曰考功薛先生既屏居
 紀致崇於學庚寅始注老子號曰集解余為序
 其書刊之甚著先生意未覃盡時復損益丁酉乃成

視子讀之義加精微要以至道協於大中緣漢以來
 言老子者蓋至是決矣顧世莫有與知老子者又孰
 以知先生之注序曰始余少讀老子謂猶皇帝王伯
 之降所言殆上皇事爾朴而不華後世弗能用也誠
 竊之亦足寡營而致治壯益讀之則見與聖人之道
 一抵牾可施於世特其辭所出抑揚已甚驟不能通
 愚者欲信之功以靈異是遂為儒家所詘置為養
 生之書其徒守之至言湮晦要之古之聖人所學咸
 脩已治人之事或得有淺深見有純駁爾奈何絕去

使世謔言之老子之書殆於息矣余懷此意未有以明其後仕都質之今祭酒武城王純父先生孔老所以異奈何純父蒼之聃與尼父意同而言異彼生於周末睹文之盛也疾欲還之古故激言之激則不能無過中已試言之仲尼曰人而不仁如禮何禮云禮云玉帛云乎哉禮與其奢也寧儉而聃則曰禮者忠信之薄而亂之首也故激如此去仲尼之辭遠矣故尼父之書誦法萬世而聃卒廢而爲它也余藏其牘他日仕山西復質之今京尹曹德芳先生其言聖人

之言道也猶人之名天也中國謂之天矣彼何奴則謂之撐犁豈有二哉特其辭異耳天固不自知而人強名之又爭辨之故學者誠求至於道凡支言可忘也達哉言乎蓋二先生皆深於老子者今以觀考功之注尤信易大傳曰天下同歸而殊塗一致而百慮學者習而常聞如不見其同與一獨以其異也遽詆訶之蓋讀其篇未訖往往已驚豈但老子邪嗚呼難言矣百世倘有其人固自知之余何暇置譽毀哉記二先生之語篇首復作序

李宏甫刻子由解於金陵題其後曰食之於飽一也
南人食稻而其北人食黍而甘此一南一北者未始
相羨也然使兩者易地而食焉則又未始相棄也道
之於孔老猶稻黍之於南北也足乎此者雖無羨於
彼而顧可弃之哉何也至飽者各足而真饑者無擇
也蓋嘗北學而食於主人之家矣其初蓋不知其美
也天寒大雨雪三日絕糧七日饑凍困踣望主人而
向往焉主人憐我炊黍餉我信口大嚼未暇辨也徹
案而後問曰豈稻粱也歟奚其有此美也主人笑曰

此黍稷也與稻粱埒且今之黍稷也非有異於向之
黍稷者也惟甚饑故其美惟甚美故甚飽子今以往
更不作稻粱想亦不作黍稷想矣予聞之慨然而嘆
使予之於道者今者之望食則孔老暇擇乎自此發
憤學道窮日夜不寢不食而時獲子由老子解於焦
弱侯氏解老子者衆矣而子由最高子由之引中庸
曰喜怒哀樂之未發謂之中夫未發之中萬物之與
宋自明道以後遞相傳授每令門弟子看其氣象爲
何如者也子由乃獨得微言於殘篇斷簡之中宜其

善發老子之蘊使五千餘言爛然如皎日學者斷斷
乎不可一日去手也解成示道全當道全意寄子瞻
又當子瞻意今去子由五百餘年不意復見此奇特
嗟夫亦惟真饑而後能得之也萬曆二十年冬十二月
二十日宏甫題

李宏甫先生既刻子由老子解逾年復自著解老二
卷序曰嘗讀韓非解老未始不為非惜也以非之才
而卒見殺於秦安在其為善解老也是豈無為之謂
哉夫彼以柔弱而此以堅強此勇於敢而彼勇於不

刑

敢已方圓冰炭若矣而謂道德申韓宗祖可與蘇子
瞻求而不得乃強為之說曰老子之學重於無為而
輕於治天下國家是以仁不足愛而禮不足敬韓非
氏得其所以輕天下之術遂至殘忍刻薄而無疑焉
呼審若此則不可以治天下國家者也老子之學果
如是夫老子者非能治之而不治乃不治以治之者
也故善愛其身者不治身善愛天下者不治天下凡
古聖王所謂仁義禮樂者皆非所以治之也而況一
切刑名法術歟故其著書專言道德而不言仁義以

仁雖無爲而不免有爲義則爲之而有以爲又甚矣
是故其爲道也以虛爲常以因爲綱以善下不爭爲
百谷之王以好戰爲樂殺人以用兵爲不得已以勝
爲不美以退爲進以敗爲功以福爲禍以得爲失以
無知爲知以無欲爲欲以無名爲名孰謂無爲不足
以治天下乎世固未知無爲之有益也然則韓氏曷
爲愛之曰順而達者帝王之政也逆而能忍者黃老
之術也順而達則以不忍之心行不忍之政是故順
事恕施而後明達不禦其效非可以旦夕責也逆而

能忍者不見可欲是也是故無政不達而亦無心可
推無民不安而亦無賢可尚如是而已矣此至易至
簡之道而一切急功利者之所尚也而一切功利者
欲效之而不得是故不忍於無欲而忍於好殺不忍
以已而忍以人不忍於忍而忍於不忍學者不察遂
疑其原從而曰道德之禍其後爲申韓也如此夫道
德之後爲申韓固矣獨不曰仁義之後其禍爲篡弑
乎古今學術亦多矣一得傳而遂失之其害不可勝
言者豈少哉獨老子乎由此觀之則謂申韓原道德

遂

之意亦奚不可予性剛使氣患在堅強而不能自克也喜讀韓非之書又不敢再以道德之流生禍也而非以道德故故深有味於道德而爲之解拜序其所以語道德者以自省焉先生名載贄溫陵人仕至姚安太守請老歸

老子考異

古書傳世爲人所竄易者多矣而老子尤甚開元
注明言我德異於人而貴求食於姓先無求於兩
字予所加也則後人之妄增而不及自道者可勝
言哉史遷言著書五千餘言亦其大率耳安者至
盡創語助之詞以就五千之數是史遷一言爲此
書禍也薛君采氏作老子集解別爲考異一篇附
焉顧其所見裁十數本耳余觀卷軸既多異同滋
甚其爲余所安者已載正經而悉以其餘紕之卷

未仍名曰考異侯世之好古者參焉弱侯題

第二章

斯惡已

蘇巴作矣

皆知善之為善

皆上一有天下字

故有無相生

龍典碑無故字傳奕古本相上並有之字

萬物作焉而不彀

碑本作作而不為始功

成而不居

古本作功成不處

夫唯不居

古本作不處

第三章

使心不亂

古本作使民心

是以聖人之治

古本治下有也無之治

使夫

知者不敢為也

本無也字

則無不治

古本作無不治為矣彭耗本

治矣無不

第四章

沖

古本作作盅

或不盈

陸本作不滿開元本蘇本或下有似

紛

乎湛兮似或存

碑本無兮或作常或作若

吾不知其誰之子

陸本陳碧

虛司馬本無之

第五章

不居

河上陸作不訕

多言

碑本作多聞

第六章

天地根

古本列子並作天地之根

第七章

天長地久碑本作天天地所以能長且久黃茂村地
本無且故能長生碑本作長久非以其無私耶河上陸作以其無私古本
非作不

第八章

而不爭碧壘司馬處衆人之所惡古本必故幾於道
葉本下善仁古本作善人故無尤二下
有矣

第九章

持司馬揣而銳之古本作見而銳長保碑本作長寶滿堂
古本作滿室驕作橋功成名遂身退碑本作名成功遂身退

又名
作事

第十章

抱古本無離乎一無子能嬰兒乎能下生之畜之
一作無此

第十一章

處司馬虛作擬

第十二章

何謂寵辱若驚名驚若驚寵為下若虛作寵為下吾所以有
大患者無及吾無身古本作荷吾有何患古本下

貴以身為天下者可以寄天下，愛以身為天下者不可以託天下。
此古本無 可以託天下 古本無 矣開元本則作若無二矣 一寄託下並有於

第十四章

此三者無故混而為一，上下。
蘇故下有復古 此 故混而為一 本三下有者 上下 古本 之下 繩繩兮 無物之象 象之象 是謂惚恍 無四 字古本 作古本 執古之道 古本道 下有可

第十五章

豫猶兮，其若樸。
碑本 釋碑本 敦兮其若樸 碑作混 廣 豫猶 一 下 並 客 碑本 釋碑本 敦兮其若樸 碑作混 廣

兮其若谷，漚兮其若濁，靜兮其若水。
碑本 混 靜 古本上 徐清 兮其若谷 漚兮其若濁 碑本 混 靜 古本上 徐清

徐生兮，其若水，故能敝而不新，成而不敗。
古本二 徐 安 以 故能敝 不新成 古本 是以 徐生 古本二 徐 安 以 故能敝 不新成 古本 是以

第十六章

其復命，其復命，其復命，其復命。
王弼本 是謂復命 其復命 莊子作 各 其復命 王弼本 是謂復命 其復命 莊子作 各

歸其根，其歸其根，其歸其根，其歸其根。
各下 公乃王王 乃天 生 生 能 天 沒身不 歸其根 各下 公乃王王 乃天 生 生 能 天 沒身不

第十七章

不知有之，其知有之，其知有之，其知有之。
王弼作 親 其次侮之 本 不知有之 王弼作 親 其次侮之 本

無其天陳作其信不足有不信王弼有猶兮其豈言
次長而海之王弼作悠兮二無兮事遂各遂皆曰
碑木作其猶貴言曹程黃曰作謂

第十八章

廢出古本下孝慈一作忠臣古本作

第十九章

此三者以為文不足程無此古本以

第二十章

善古本其未央哉碑本作莽其未如享古本作

如春登臺春在臺下怕兮古本作乘乘兮

古本作 沌沌碑作昭昭察察古作皆昭悶悶古

若晦寂若無所止晦一作海其若晦其若

若無止一作飄兮其異於人古本上賈食毋開元本

若海濤兮若無所止其異於人有發

第二十一章

恍惚古本惚兮恍兮其中有象一其字上無兮字

其精其真碑本無此

第二十二章

直古本碑本豈虛言哉古本言

第二十三章

故飄風不終朝

多一無故終古

孰為此者天地

古本地下有也

德者同於德失者同於失

古本作從事於德者德者同於德從事於失者失者

同於

同於道者道亦樂得之

古本無同樂二字下同

信不足

古本

足下

第二十四章

企

歧

王弼陸其在道也

物或惡之

或作不

處

王弼陸其在道也

第二十五章

寥考

陸王

強為之名曰大

司馬程作強

域中有四

而王居其一焉

一作而王處焉

第二十六章

奈何

古本碑本作失

失根

本諸本作失臣

第二十七章

善行

古本行下有者下

善計不用籌策

古本作善數者無

是以聖人常善救人故無棄人常善救物故無弃物

乘故作河傳奕云古無此獨河上有之

善人

古本人下有直者下同

第二十八章

故大制不割古本作大制無割

第二十九章

而為之古本下有天下神器古本上有為者碑本者作故故下同

物蘇萊黃陳响陸王弼作敵一載古本

碑本故地作凡是以碑本作隙古本是以碑本作是以碑本作

第三十章

大軍之後必有凶年碑本果而已古本下有取強古本

焉果而勿強古本上有不道古本碑本

第三十一章

之器無此恬淡為王勝而不美而美之者是樂殺

人也夫樂殺人者不可得志於天下矣亦本作以恬

失也若美必樂之樂之者是樂殺人也夫樂入之殺

言居上勢則以喪禮處之喪禮處之衆多王弼作之

有則下同

第三十二章

樸雖小天下不敢臣無樸雖小侯王梁武本陸

萬物將自賓萬物一自均古本下猶川谷古本

之於一作江海古本下

第三十三章

知人者智古本下有有勇葉無不失其所邵所

第三十四章

汎陸王彌不居碑本作愛養一作可名於小一作可
一作可名於歸焉古本作不為主為以其不自大一作知

第三十五章

執太象古本下出口古本碑本淡乎古本作

第三十六章

歎古本作柔勝剛弱勝強古本勝脫古本邦一作

第三十七章

侯王古本作鎮以一作亦將不欲古本亦不欲以上有夫

第三十八章

上德無為而無以為下德為之而有以為古本作無不為下德為德無為而仍之王彌亂之首也愚之始也無

第三十九章

處其厚古本四句並居其薄處其實不居其華

邦

類

侯王

古本作王侯下同

天下貞

一作其致之一也

也

開元本無一也

物得一以生

君平本無此并下萬物無以生恐城十四字

侯王無以為貞

而貴高將恐廢

一作侯王無以自稱

自稱

古本作此其本

作是非乎

古本作非歟

數與無與

與古本作譽一作車

球錄一作如玉

如古本作若下同

落落

一作落落

第四十一章

聞道大笑之

古本道下有而故建言

無有之

古本下有類作

類進道者退

若在東道若類上

辱

古本作作懸

偷古本作偷作輸

第四十二章

五公以為稱

古本作王侯以自稱也

之所教我亦教之

之所以教我亦我之所教

教父

古本作學父

第四十三章

無有入於無間

古本淮南子並作出於無有入吾是

以知無為之有益也

一無五也二字

希及之

政秘本

第四十四章

是故甚愛必大費

是故

第四十五章

沖古本屈古本作曲清靜為天下正

古本為上有以

第四十六章

却走馬以糞古本糞作糞吳幼罪莫大於可欲古本無
此咎莫大於欲得韓非本古本作故知足之足常足
矣司馬無之足又無矣

第四十七章

不出戶知天下不窺牖見天道古本出戶窺牖下俱
不出於戶可以知天下韓非作其出彌遠韓非遠下有者
不行而知行而至

第四十八章

為學為道古本下又損之無無為而無不為矣古本
作無為則無不為故取天下者王弼無故不足以取天下古本
取天下矣作又不足以

第四十九章

德善矣一作得善惔惔古本作歛歛渾其心古本
渾無矣下同惔下有三焉渾其心古本
焉作咳

第五十章

人之生動之死地韓非本古本作民之生生生之厚古本下
夫何故古本下無死地古本下

第五十一章

夫莫之爵一作無夫畜之古本作作亭之一作成之一作熟之

養之古本作

第五十二章

有始古本始得其母得一襲常葉作襲

第五十三章

而民好徑碧虛司馬蘇林資貨有餘古本作貨財盜

竿舊俱作非道哉一堅作盜

第五十四章

善建者韓非無子孫祭祀不輟彭親木孫下有以韓

修之於邦邦舊俱作何以古本作

第五十五章

含德之厚比於赤子古本作毒蟲古本作

峻古本作至也碧唐蘇曹而不嘎一作嗶

日強古本作是謂古

第五十六章

不道碑本作

知者不言古本言下有也不可得而疏不可得而害不可得而賤古本上並有亦

第五十七章

以正古本正無事連真本吾何以知天下之然哉古本此下有我然哉以此古本此下有我民多技巧奇物滋起古本此下有我彰古本此下有我我無欲而民自樸河上本此下有我

第五十八章

悶悶古本作悶悶醇醇古本作醇醇禍兮福所倚福兮禍所伏古本此下有我人之迷也其日固久矣韓非

之迷也其故以久矣一作劇劇蔡微作

第五十九章

莫若嗇若一作若是謂早服謂韓非作以謂之重積德韓非作是謂則莫知其極黃無下深根固柢韓非

第六十章

治大國韓非作治烹烹不當其神不傷人韓下聖人亦不傷之韓作不

第六十一章

天下之交天下之牝一作天下之交牝以靜為下古本作以其靜故為

第六十二章

與一也善人之寶司馬程之加人彭本加人坐進此道古本作進所以貴此道者何一作何也不曰纂微曹有罪以免邪罪下

第六十三章

圖難於其易古本難下有乎天下難事難上亦有輕猶難之程猶故終無難古本下

第六十四章

易判一作作為之於未有古本作為之乎豪一作九成一作九層千里之行一作百聖人無為一上有是以常於幾成一於下則無敗事古本復人復衆人古本復人舊並一作不敢為一也

第六十五章

以其智多古本作以國之賊國之福下古本知此兩者亦楷式古本作常知此乃至古本作乃復至

第六十六章

以其善下之古本下以其信下之古本作必以其信
下之民不害古本下
句同

第六十七章

夫惟大故似不肖清源本其細也夫一無寶而持之也夫
一作持而寶慈故能勇古本上器長韓非舍其慈
之寶且勇一無其下死矣古本作是以戰則勝一作以以
慈衛之有必葉上

第六十八章

善為士者不武古本作古之善善勝敵者不爭林希
為士者不武也

作善勝戰者不古之極
與一無敵字

第六十九章

用兵有言古本下仍無敵執無兵古本作執無兵仍
有白輕敵古本作輕敵幾喪吾寶古本作無敵抗兵相加
無敵哀者勝矣古本作抗兵相
若則哀者勝矣

第七十章

天下莫能知莫能行古本作而人莫之不我知也無
能知莫之能行也則我貴矣一作則被褐
我者貴被褐一作被褐

第七十一章

我者貴一作被褐

上古本作尚矣病古本作病矣聖人之不病也以其病病是以

第七十二章

不病韓非作聖人之不病也以其不病是以無病也夫唯不厭具幼清作夫唯不狎

第七十三章

大威至矣一作則無狹無狎夫唯不厭夫唯不狎

第七十四章

民不畏死一民下有常吾得執而殺之孰敢古本作吾得也一得而代司殺者作矣是代大匠斲是下希不

自傷其手矣一作希有不傷其手矣

第七十五章

民之飢古本下有者食稅之多也一無也以其生生之厚也一作以其上求生之厚唯無以生為者一上有夫一為下有貴貴

第七十六章

草木一上有萬物二字柔脆脆一作脆之徒古本下有兵強兵強古本下有

第七十七章

者共一作折強大處下古本作故堅強處下

其猶張弓乎古本作其猶張弓補之一作孰能有餘
以奉天下唯古本作孰能損有餘而奉不功有道者足于天下者其唯成而不居成不處見賢耶耶無

第七十八章

天下莫柔弱於水一作天下柔能先先以其無以
易之也無柔之勝剛弱之勝強無莫不知
莫能行古本作莫不知故聖人云故是
謂一作若友若友古本下

第七十九章

和太怨有者必有餘怨必無故有德司契故無

第八十章

使民有什伯之器一無民而不用一作使民重
死而不遠徙葉本無甘其食古本上有至治安其俗
樂其業俗一音聲一作使民至無而不相往來一作

第八十一章

善者不辯古本作善言不辯者不善辯辯言不善不積不天之
道無

十七日校子塔園

庚八十一章

言御識



老子真卷之六

[Faint, mostly illegible handwritten text in vertical columns, likely bleed-through from the reverse side of the page.]

